

四庫全書

史部

欽定四庫全書

御定月令輯要卷十三

秋令

天道

萬物所說

原易兌正秋也萬物之所說也故曰說言乎兌

秋日

增詩秋日淒淒疏言嚴秋之日淒淒然有寒涼之風江淹詩寒郊無畱影秋日懸清光

三秋

原詩一日不見如三秋兮纂要秋曰三秋增虞世南秋賦觀四時之代謝對三秋之爽節

庚辛

原禮其日庚辛註庚之言更也辛之言新也日之行秋西從白道成熟萬物月為之佐萬物皆肅然

改更秀實新成人因以為日名焉增漢書律歷志歛更於庚悉新於辛原說文庚位西方象秋時萬物庚庚有

實也庚承己象人齋辛秋時萬物成而熟辛承庚象人股

少皞蓐收

原禮其帝少皞其神蓐收註少皞金天氏蓐收少皞氏之子曰該為金官疏案左傳云昔

金天氏有裔子曰昧生允格臺駘稱金天氏與少皞金位相當故少昊則金天氏也又案左傳云少昊氏之子

該為蓐收是為金神佐少皞於秋蓐收者言秋時萬物摧蓐而收歛增山海經蓐收左耳有青蛇乘兩龍面目

有毛虎爪執鉞西方金神也稱衡鵲鵲賦少昊司辰蓐收整轡江迺詠秋詩祝融解炎轡蓐收起涼駕杜甫登

慈恩寺塏詩義和鞭白日少昊行清秋

秋為攄

增禮西方者秋秋之為言愁也愁之以時察守義者也註愁讀為攄攄歛也察猶察察嚴殺之

貌

白藏

原爾雅秋為白藏疏言秋氣和則色白而收藏也

收成

信則百穀不實百穀不實則收成之德雨雨不

辰德

原管子西方曰辰其時曰秋其氣曰陰陰生金與

使民淫暴順旅聚收量民資以畜聚賞彼羣幹聚彼羣

材百物乃收使民無怠所惡其察所欲必得我信則克

萬物收

原管子秋者陰氣始下故萬物收增皇極經世秋為收物之府

秋雲

原管子教者標然若秋雲之遊動人心之悲註秋雲淒慘有愁悴之容高置且遠能生人之悲心增



梁書柳惲傳惲始為詩有亭臯木葉下甌首  
秋雲飛卿卿王元長見而嗟賞因書齋壁

金勝火

增內經秋者金始治肺將收殺金將勝  
火陽氣在合註金王火衰故云勝火

秋為禮

原尸子秋為禮西方為秋秋肅  
也萬物莫不禮肅敬之至也

斗柄西指

原鶡冠子斗柄  
西指天下皆秋

秋霖

增楚辭皇天淫溢而秋霖兮后土何時而得乾  
照鄰秋霖賦覽萬物兮竊獨悲此秋霖風橫天而

瑟瑟雲覆海而沉沉賈島詩  
歲月辭山久秋霖入夜多

凜秋

原楚辭皇天平分四時兮竊獨悲此凜  
秋增阮瑀詩我行自凜秋季冬乃來歸

秋風

原楚辭嫋嫋兮秋風洞庭波兮木葉下增漢武帝  
秋風辭秋風起兮白雲飛草木黃落兮鴈南歸淮

南子秋風下霜倒生挫傷鷹鵬搏鷺昆蟲蟄藏草木  
注根魚鼈湊淵莫見其為者減而無形魏文帝燕歌  
行秋風蕭瑟天氣涼  
草木搖落露為霜

**秋氣**

原楚辭悲哉秋之為氣也蕭瑟兮草木搖落而變  
衰憭慄兮若在遠行登山臨水兮送將歸沕寥兮

天高而氣清寂寥兮收潦而水清憺悽增歎兮薄寒之  
中人柳宗元南澗詩秋氣集南澗獨遊亭午時迴風一  
蕭瑟林影  
久參差

**畢昴圍**

增史記天官書白帝行德畢昴為之圍圍三暮  
德乃成註白帝西方白招矩之帝也秋萬物咸

成則暈圍畢昴三  
暮帝德乃成也

**太白**

原璇璣經太白兵候占之素秋宰主生成故為之  
將註太白位當少陰用事之際萬物成實之秋宋

志曰太白者大將之麾白者金精之色也太白進退以候兵象故秋占之增漢書天文志太白曰西方秋金義也言也義虧言失逆秋令傷金氣罰見太白張衡週天大衆賦彼金方之耀色有太白之垂文乃降神於屏翳實建象於將軍

陰氣遷

原漢書律歷志少陰者西方西遷也陰氣遷落物於時為秋秋穀也物穀斂乃成熟金從草改

也更

乘兌執矩

原漢書魏相傳西方之神少昊乘兌執矩司秋註金為義義者成成者方故為矩

西顓

原漢書禮樂志西顓沆碣秋氣肅殺含秀垂顓續舊不廢

昊天

原淮南子西方曰昊天其星胃昂畢註西方金色白故曰昊天

助秋成

金原春秋繁露少陰因起助秋之成也

日行西陸

原易通統圖日行西方白道曰西陸續漢書日行西陸謂之秋郭璞遊仙詩薈收清西陸

朱義將由白江淹麗色賦西陸始秋白道月弦金波照戶玉露慢天

品物時成

增釋名秋緇也緇迫品物使時成也

物成象

增揚子酉西方也秋也物皆成象而就也

商聲調

增晉書律歷志金音商三分徵益一以生其數七十二屬金者以其濁次宮臣之象也秋氣和

則商聲調

六氣十八候

增埤雅立秋之節初五日涼風至次五日白露降後五日寒蟬鳴次處暑氣初五日

鷹乃祭鳥次五日天地始肅後五日禾乃登次仲秋白露之節初五日鴻雁來次五日玄鳥歸後五日羣鳥養羞次秋分氣初五日雷乃收聲次五日蟄蟲壞戶景天華後五日水始涸次季秋寒露之節初五日鴻雁來賓次五日雀入大水為蛤後五日菊有黃華次霜降氣初五日豺乃祭獸次五日草木黃落後五日蟄蟲咸俯凡此六氣一十八候皆秋氣正收斂之令

秋霽

御製禁園秋霽詩樹冷催蟬咽荷疎表影長深秋殘暑氣

微爽待高陽戶外遠塵蹟園中多蕙香溶溶新雨霽吟

乏愧成章

石延年詩秋霽露華清似水月明天色白連河

秋夜

增魏文帝詩漫漫秋夜長烈烈北風涼杜甫見螢火詩巫山秋夜螢火飛簾疎巧入坐人衣

清秋

增殷仲文詩獨有清秋日能使高興盡杜甫詩信宿漁人還汎汎清秋燕子故飛飛朱子詩賞心井

勝日妙語  
逼清秋

蕭晨

原殷仲文詩哲匠感蕭晨蕭晨此塵外軫李善註蕭晨秋晨也言秋晨蕭瑟

素秋

原纂要秋曰素秋劉琨詩朱實隕勁風繁英落素秋增曹毗秋興賦素秋始啓清風激暑杜甫詩瞿

唐峽口曲江頭萬里風烟接素秋

高秋

原纂要秋曰高秋增沈約詩臨池清潯暑開幌望高秋杜甫詩愛汝玉山草堂靜高秋爽氣相鮮新

九秋

原纂要秋曰九秋增曹植七啟動朱唇發清商揚袂振華裳九秋之夕為歡未央原陰陽五行歷

一月為三秋故三月有九秋之名

商秋

增纂要秋曰商秋潘尼石榴賦商秋授氣收華歆實

秋雨

增梁簡文帝荅張纘書秋雨且晴檐梧初下岑參詩我眉烟翠新昨夜秋雨洗杜甫詩涼風新過雁

清陰

欲生魚朱子秋雨詩一雨散林表清陰生廣庭喜茲新秋夜起向高齋行

秋河

增謝朓詩秋河曙耿耿寒渚夜蒼蒼韓翃詩曉月暫飛千樹裏秋河隔在數峯西

秋露

增江淹別賦秋露如珠薛道衡老氏碑秋露凝甘過於竹葦李白詩秋露白如玉團團下庭綠

秋月

增江淹別賦秋月如珪五燈會元十里平湖一輪秋月

秋聲

御製西山駐驛夜聞秋聲詩西風吹長林木葉響如雨起

視山月高浮雲無一縷

增孟浩然詩更聞楓葉落浙瀝

竹助秋聲劉禹錫秋聲賦碧天如水兮宵窅悠百蟲迎莫兮萬葉吟秋欲辭林而蕭颯潛命侶以啁啾歐陽

修秋聲賦序歐陽子方夜讀書間有聲自西南來者悚然而聽之曰異哉初浙瀝以蕭颯忽奔騰而砰湃如波

濤夜驚風雨驟至其觸於物也鏗鏘錚錚金鐵皆鳴又如赴敵之兵銜枚疾走不聞號令但聞人馬之行聲予

謂童子此何聲也汝出視之童子曰星月皎潔明河在天四無人聲聲在樹間予曰噫嘻悲哉此秋聲也胡為

乎來哉

秋雪

增白居易望終南秋雪詩遍覽古今集都無秋雪詩李商隱詩舉家欣共報秋雪墮前峰

欽定四庫全書

御定月令輯要



秋暑

增李商隱詩秋暑貴招邀蘇轍詩秋暑尚煩襟林泉淨客心朱子秋暑詩晨興納新涼亭午倦猶暑

卧對北窗扉淡泊將誰侶疎樹含清颺時禽轉幽語端居悟物情即事聊容與

秋陽

增許渾詩秋陽弄光景忽吐半林紅原蘇軾秋陽賦吾心皎然如秋陽之明吾氣肅然如秋陽之清

吾好善而欲成之如秋陽之堅百穀吾惡惡而欲刑之如秋陽之隕羣木

政典

秋嘗

原詩秋而載嘗增禮嘗者陰之盛也疏以嘗祭在秋之時陰功成就故為陰盛

順陰義

增禮於嘗也出田邑發秋政順陰義也

秋獮

增禮歲三田疏秋田為獮獮殺也中殺者多也原爾雅秋獮為獮註順殺氣也增陳傅良詩獮豕來

春田冥鴻  
脫秋彌

車旂服物

原禮乘戎路駕白駱載白旂衣白衣服白玉  
食麻與犬其器廉以深註麻實有文理屬金

犬金畜也器廉以深  
象金傷害物入藏

頒學合聲

增周禮春官大胥秋頒學合聲註秋頒其  
才藝所為合聲亦等其曲折使應節奏

嘗日卜茭

增周禮春官肆師嘗之日涖卜來歲之茭註  
茭茭草除田也古之始耕者除田種穀嘗者

嘗新穀此茭之功也  
卜者問後歲宜茭否

彌日卜戒

增周禮春官肆師彌之日涖卜來歲之戒註  
秋田為彌始習兵戒不虞也卜者問後歲兵

冠之  
備

祭馬社

增周禮夏官校人秋祭馬社臧僕註馬社始乘馬者臧僕謂簡練馭者令皆善也

秋官

增周禮秋官司寇疏象秋所立之官寇害也秋者過也如秋義殺害收聚飲藏於萬物也天子立司

寇使掌邦刑刑者所以驅恥惡納人於善道也唐書百官志光宅元年改刑部曰秋官

秋雩

增春秋襄公五年秋大雩左傳秋大雩旱也註雩夏祭所以祈甘雨若旱則又修其禮故雖秋雩非

書過也

周祫以秋

增穀梁大事於大廟傳大事者何大是事也著祫嘗祫祭者毀廟之主陳於大祖未毀廟

之主皆升合祭於大祖疏著祫嘗者著明是祫嘗之祭也嘗連言者祫必在秋故連嘗言之三禮義宗周祫以秋者萬物新成可以奉薦宗廟故合先祖之神而祭之故祫宜在秋也

補不足

增管子秋出補人之不足者謂之夕註秋為西成尚有不足者當補之也

秋五政

博原管子秋三月以庚辛之日發五政一政曰禁

政曰慎旅農趣聚收四政曰補缺塞圻五政曰修牆垣周門閭五政苟時五穀皆入

大封為司馬

增管子大封辨乎西方故使為司馬秋者司馬也註主兵馬以出征

金行御

增管子睹庚子金行御天子出令命祝宗選禽獸之禁五穀之先熟者而薦之祖廟與五祀鬼

神饗其氣焉君子食其味焉然則涼風至白露下天子出令命左右司馬衍組甲厲兵合什為伍以修於四境

之內諛然告民有事所以待天地之殺歛也然則晝炙陽夕下露地競環五穀鄰熟草木茂實歲農豐年大茂

七十二日而畢

行五刑

增管子秋行五刑誅大罪所以禁淫邪止盜賊註凡此皆秋令

秋禁

增管子秋毋赦過釋罪緩刑又秋政不禁則姦邪不勝

謹絲麻

增管子大秋甲兵求繕弓弩求弦謹絲麻之謝物且為之舉

兵尚劍

增管子兵尚劍註象金性之利也

九和時節

增管子九和時節君服白色味辛味聽商聲治濕氣用九數飲於白后之井以介蟲之火

饗藏恭敬行搏銳坦氣修通註金成數九金氣和則君順時節而布政

作明堂

增漢書武帝紀元封二年秋作明堂於泰山下

出軍行師

增漢書五行志金西方萬物既成殺氣之始也故立秋而鷹隼擊秋分而微霜降其於王

事出軍行師把旄仗鉞誓士衆  
抗威武所以征叛逆止暴亂也

大長秋

原漢書百官表將行秦官景帝中六年更名大  
長秋注秋者收成之時長者恒久之義故以為

皇后官名增宋書百官志大長秋皇后卿也韋曜曰長  
秋者以皇后陰官秋者陰之始取其終而長欲其久也

司寇司秋

增大戴禮司寇司秋以聽獄訟治民之煩亂  
執權變民中凡民之不以聽獄訟治民之煩亂

不敬以欺惑懂愚作於財賄六畜五穀曰盜誘居室家  
有君子曰義子女專曰娛飭五兵及木石曰賊以中情  
出小曰閒大曰講利辭以亂屬曰讒以財投長曰貸凡  
犯天子之禁陳刑制辟以追國民之不率上教者夫是  
故一家三夫道行三  
人飲食哀樂平無獄

成秋事

增大戴禮方秋三月收歛以時於時有事  
嘗新于皇祖皇考食農夫九人以成秋事

金  
秋  
殺

把增春秋繁露金者秋殺氣之始也建立旗鼓杖

應義理出則祠兵入則振旅以閑習之修城郭繕牆垣

審羣禁飭兵甲警百官誅不法恩及於金石則涼風出

恩及於毛蟲則走獸大為麒麟至

義  
主  
秋

故增春秋繁露王者能治則義立義立則秋氣得

則理義成於時陽氣為賊故王者

修  
備  
繕  
兵

增淮南子太陰治秋則欲修繕兵註金德斷割故修兵也

金  
神  
司  
令

原淮南子西方之極自崑崙絕流沙沈羽西

少皞蓐收之所司者萬二千里其令曰審用法誅必辜

備盜賊禁姦邪飾羣牧謹著聚修城郭補決竇塞蹊徑

過溝瀆止流水雖谿谷守門閭陳  
兵甲選百官誅不法註薦收金神

秋豫

增多漢張衡東京賦度秋豫以收成觀豐年多稼嘉田畷之匪懈勤致齊于九扈年

啓西戶

增皇覽逸禮秋居明堂右个啓西戶

后宮象秋

增主信故宮殿皆以長信長秋為名

賞武臣

增崔寔政論秋風厲而賞武臣

秋卿

增隋書百官志天監七年以衛尉為衛尉卿廷尉為廷尉卿將作大匠為大匠卿三卿是為秋卿

義倉

增隋書長孫平傳開皇三年平奏令民間每秋家出粟麥一石已下貧富差等儲之閭巷以備凶年

名曰  
義倉



羣牧上籍

增唐書百官志太僕寺諸牧監馬之駕良皆著籍良馬稱左駑馬稱右每歲孟秋羣牧使

以諸監之籍合為一以仲秋上於寺

贊考課

增唐書百官志左右衛長史各一人掌判諸曹五府外府京祿卒伍軍團之名數器械車馬之

多少小事得專達每歲秋贊大將軍考課

輸發庸調

增唐書食貨志租以歛獲早晚險易遠近為差庸調輸以八月發以九月同時輸者先遠

民皆自禁量州府歲市土所出為貢其價視絹之上下無過五十匹

防秋

增唐書陸贄傳西北邊歲調河南江淮兵謂之防秋朔秋國史補渾瑊太師年十一歲隨父釋之防秋朔

方節度使張齊立戲問曰將乳母來否其年立跳盪功後二年拔石堡城收龍駒島皆有奇効高適詩青海只

今將飲馬黃河  
不用更防秋

**秋賦**

增宋史選舉志范仲淹參知政事意欲復古勸學數言興學校本行實詔近臣議於是宋祁等奏教

不本于學校士不察于鄉里則不能覈名實有司求以聲病學者專於記誦則不足盡人材參考衆說擇其便于今者莫若使士皆土著而教之于學校然後州縣察其履行則學者修飾矣乃詔州縣立學士須在學三百日乃聽預秋賦又每秋賦自縣令佐察行義保任之上于州長貳復審察得實然後上本道使者類試

**薦新**

增玉海元豐四時薦新禮孟秋嘗栗與稷羞以棗梨仲秋嘗麻稻羞以蒲季秋嘗菽羞以兔栗元史

祭祀志薦新雖難孟秋用之芟芡栗黃鼠仲秋用之梨棗黍梁薦老季秋用之

**民用**

有秋

原書若農服田力穡乃亦有秋增白  
居易詩海內時無事江南歲有秋

曲薄

增詩蒹葭蒼白露為霜疏八月白露節秋分八  
月中九月寒露節霜降九月中白露凝疾為霜然

後歲事成謂八月九月蒹葭成葦可以為曲薄克歲事也  
埤雅葭一名華葦一名廉廉高數尺今人以為簾箔因

此為名也至秋  
堅成謂之荏葦

落實取材

增左傳歲云秋矣我  
落其實而取其材

養收

原內經秋三月此謂容平天氣以急地氣以明蚤  
卧蚤起與雞俱興使志安寧以緩秋刑收斂神氣

使秋氣平無外其志使肺氣清此秋  
氣之應養收之道也逆之則傷肺

肺通秋氣

增內經肺者氣之本魄之處也其華在  
毛其克在皮為陽中之太陰通於秋氣

秋脉如浮

增內經帝曰秋脉如浮何如而浮岐伯曰秋脉者西方金也萬物之所以收也故其氣

來輕虛以浮來急去散故曰浮

區種

增記勝之書上農區田大區方深各六寸間相去七寸一畝三千七百區丁男女種十畝至秋區三

升粟畝得百斛中農區田法方七寸深六寸間相去二尺一畝千二十七區丁男女十畝秋粟得五十一石下

農區田法方九寸深六寸間相去三尺秋畝得二十八石旱即以水沃之

儲糧

增南方草木狀甘藷味甘薯蕷性不甚冷舊珠崖之地海中之人皆不業耕稼惟掘地種甘藷秋熟

收之蒸熟切如米粒倉圖貯之以克糧糗是名儲糧

良耀草

增南方草木狀良耀草枝葉如麻黃秋結子如小粟喂食之解毒昔有得是藥者梁氏之子耀

因以為名梁轉為良爾  
花白似牛李出高涼

**秋耕**

增齊民要術秋耕種青者為上初耕欲深轉地欲淺管茅之地宜縱牛羊踐之韓氏直說凡地除種

麥外宜秋耕秋耕之地宜縱牛羊踐之  
地荒草自少極省耨工

**種穰麥**

增齊民要術穰麥非良地則不須種八月中戊社前種者為上時下戊前為中時八月末九月

初為  
下時

**種苜蓿**

增齊民要術崔實曰七月八月可種苜蓿爾雅翼按今苜蓿甚似中國灰藿但藿苗葉作灰色

而苜蓿苗端常有數葉深紅可愛今人謂之鴈頂草秋後結實黑房累累如椶故俗人因謂之木粟其米可為

飯亦有可  
以釀酒者

種蓮子

增齊民要術八月九日取蓮子堅黑者於瓦上磨蓮頭令皮薄取堦土作熟泥封之泥乾時擲

於池中泥下自然周正易生少時即出其不磨者皮既堅厚倉卒不能生也

兔毛筆

增筆陣圖筆要取崇山絕仞中兔毛八九月收之其筆頭長一寸管長五寸鋒齊腰強者

蜂蜜

增永嘉地記七八月中常有蜂羣過有一蜂飛先

聞蜜氣或停不過三四來便舉羣悉至

苕華

增陸璣詩疏苕一名陵時一名鼠尾似玉芻生下濕水中七八月中華紫似今紫草華可染皂煮以

沐髮即黑葉青如藍而多華

木蜜

增陸璣詩疏枸樹山木其狀如櫨一名枸骨高大如白楊所在山中皆有理白可為函板枝柯不直

欽定四庫全書

御定月令輯要

子著枝端大如指長數寸噉之甘美如飴八九月熟江南特美今官園種之謂之木蜜本從南方來能令酒味薄若以為屋柱則一屋之酒皆薄

已竹筍

增陸機詩疏已竹筍八月九月生始出地長數寸驚以苦酒豉汁浸之可以就酒及食

賜嘗稻豆

增湘山野錄真宗深念稼穡聞占城稻耐旱西天菜豆子多而粒大各遣使以珍貨求其

種占城得種二十石至今在處播之西天中印土得菜豆種二石始植於後苑秋成日宣近臣嘗之仍賜占稻

及西天菜豆御詩

芋頭芋子

增本草衍義芋所在有之江浙二川者最大而長京洛者差圓小當心出苗者為芋頭四

邊附之而生者為芋子八月九月已後掘食之

硫黃

增政和本草硫黃一名石硫黃或生易陽或生西河或五色黃是樊水石液也燒有紫焰八月九月

採

橡實

增政和本草橡實櫟木子也木高二三丈開黃花八月九月結實其實為阜斗櫟櫟皆有斗而以櫟為

勝不拘時採其皮并實用

菰米

增爾雅翼菰者蔣草也其苗有莖梗者謂之菰蔣至秋則為此米一名彫胡古人以為美饌杜甫秋

興詩波漂菰米沉雲黑

茭苳

增爾雅翼茭苳者菰蔣三年以上心中生臺如藕至秋如小兒臂大謂之茭苳本草所謂菰根者也

可蒸煮亦可生食



石蓮子

增本草綱目蓮實一名石蓮子至秋黑而沉水諸鳥猿猴取得不食藏之石室內人得三百年

者食之永不老也

蓮花駐顏

增本草綱目芙蓉服食駐顏太清草木方七月七日采實九分陰乾搗

月九日采實九分陰乾搗篩每服方寸匕溫酒調服

懷香

增本草綱目懷香北人呼為茴香葉極疎細作叢七月生花頭如傘蓋黃色結實如麥而小青色八

九月採實陰乾川人多煮食其莖葉

秦椒

增本草綱目秦椒生泰山山谷及秦嶺上或瑯琊八月九月採實陸璣詩疏秦椒樹似茱萸有針刺

葉堅而滑澤味亦辛香蜀人作茶吳人作茗皆以其葉合煮為香

烏臼子

增本草綱目烏臼木名鵝白南方平澤甚多今江西人種植采子蒸煮取脂澆燭子上皮脂勝

於仁子八九月熟初青後黑分為三瓣

楮實

增本草綱目楮名穀楮實生少室山所在有之八月九月采實日乾

葡萄酒

增本草綱目葡萄酒漢書作蒲桃圓者名草龍珠長者名馬乳七月八月熟取汁可釀酒大

宛以葡萄酒富人藏酒萬餘石久者十數年不敗張騫使西域得其種還中國始有蓋北果之最珍者

柿熟

增本草綱目柿高樹大葉圓而光澤八九月乃熟生柿置器中自紅者謂之烘柿日乾者謂之白柿

火乾者謂之烏柿水浸藏者謂之醃柿

橄欖

增本草綱目橄欖生嶺南樹似木樨子樹而高端直可愛結子形如生訶子無稜瓣八月九月采之

按嶺表錄異云橄欖樹枝皆高聳其子深秋方熟子繁樹峻不可梯緣但刻根下方寸許納鹽入內一夕子皆

落自

錦荔枝

增本草綱目苦瓜名錦荔枝即癩葡萄生苗引蔓莖葉卷鬚如葡萄而小七八月開小黃花

五瓣如碗形結瓜青色皮上靡一如癩及荔枝殼狀熟則黃色自裂內有紅瓢南人以青皮煮肉及鹽醬充蔬

灰藿

增本草綱目灰藿處處原野有之莖有紫紅線稜葉尖有刺莖心嫩葉背面皆有白灰為蔬亦佳七

八月開細白花結實簇簇如毬中有細子蒸暴取仁可炊飯及磨粉食救荒

菊枕

增澄懷錄秋米甘菊花貯以紅菰布囊作枕用能清頭目去邪穢

蒲花褥

增山家清供秋采蒲花如柳絮者熟鞭貯以方青囊作坐褥或卧褥甚溫煖雖木棉不及也

枸杞花

增常氏日錄七月上甲日採  
枸杞花八月上酉日治服之

決明

增犀芳譜決明有二種馬蹄決明秋開淡黃花五  
出結角如初生細紅豆入眼藥最良芒決明即

山扁豆秋開深黃花五出結角如小指味甘滑二種苗  
葉皆可作酒麴俗呼為獨占缸杜甫秋雨歎雨中百草

秋爛死階下決明顏色鮮著葉  
滿枝翠羽蓋開花無數黃金錢

鋤社

增農桑輯要北方村落之間多結為鋤社以十家  
為率先鋤一家之田本家供其飲食其餘次之旬

日之閒各家田皆鋤治自相率領樂事趨功無有偷惰  
閒有病患之家共力助之故田無荒穢歲皆豐熟秋成

之後豚蹄孟酒遞  
相犒勞名為鋤社

秋蠶

增農桑輯要秋蠶初宜涼漸漸宜暖亦  
因天時漸涼故也簇與綠絲法同春蠶

早春茶

增茶疏往日無有於秋日摘茶者近乃有之  
秋七八月重摘一番謂之早春其品甚佳

養肺臟法

增遵生八牋修養肺臟法當以秋三月朔望  
旭旦向西平坐鳴天鼓七飲玉泉三然後瞑

目正心思吸兌宮白炁入口七吞之閉氣七  
十息此為調補神氣安息靈魂之要訣也

物候

百卉腓

原詩秋日淒淒百卉具腓傳淒淒涼風也卉草  
也腓病也韓詩云變也增陶潛送客詩秋日淒

且厲百卉具已腓爰以  
履霜節登高餞將歸

秋蒿

增爾雅繁之醜秋為蒿註春時各  
有種名至秋老成皆通呼為蒿

萬寶成

原莊子正得秋而萬寶成增宋史樂志祀五方  
帝樂章執矩斯兌寶惟素靈受職儲休萬寶以

成王珪教坊致語年年萬寶登秋後常與君王獻壽  
香蘇軾教坊致語屬此九秋之後粲然萬寶之成

秋蘭

原文子秋蘭欲茂秋風敗之楚辭秋蘭兮青青綠  
葉兮紫莖又扈江離與薜芷兮紉秋蘭以為佩

御製秋蘭詩并序殿前盆卉芳蘭獨秀昔人稱為王者香

又以方之君子因題四韻猗猗秋蘭色布葉何蔥青愛

此王者香著花秀中庭幽芬散紺帙靜影依疎櫺豈必

九畹多侈彼離騷經

增張衡東京賦芙蓉覆水秋蘭被  
涯傳休奕詩秋蘭蔭玉池池水清

且芳

秋水

原莊子秋水時至百川灌河涘涯之間不辨牛馬  
於是河伯欣然自喜以天下之美為盡在己增潘

岳秋興賦灤秋水之涓涓兮玩游鯈之  
澈澈杜甫詩秋水清無底蕭然淨客心

秋豪

增壯子天下莫大於秋豪之末而太山為小漢書  
高祖紀沛公曰吾入關秋豪無所敢取註豪秋乃

成好舉盛而言也杜甫山寺  
詩上方重閣晚百里見秋豪

秋蓬

原說苑秋蓬惡於根本而美於枝葉秋風一起根  
且拔矣增埤雅蓬蒿屬草之不理者也其葉散生

如蓬末大於本故  
遇風輒拔而旋

蟋蟀

原古今注蟋蟀一名吟蛩秋初生得寒則鳴濟南  
呼為懶婦增開天遺事每至秋時宮中妃妾輩以

小金籠促蟋蟀閉於籠中置之枕函畔夜聽其聲庶民  
之家皆效之也原王褒聖主得賢臣頌蟋蟀候秋吟蟀

蟋蟀以陰增白居易詩野  
秋鳴蟋蟀沙冷聚鷓鴣

落葉

增陶潛詩空庭多落葉慨然知己秋  
撫言賈島太和  
中嘗跨驢張蓋橫截天街時秋風正厲黃葉可

掃島吟曰落葉滿長安求一聯不可得不知身之所從因衝京兆尹劉栖楚節被繫一夕釋之

石鴈飛鳴

原南康記平固縣覆筍山上有大湖周數十里靈果異物皆不可識又有石鴈浮在湖中

每至秋天石鴈飛鳴如候時也

采芝

原抱朴子白雲芝生於名山之陰白石上有白雲覆之白蓋二重味辛甘小苦以秋採之陰乾治食

令人身輕齒堅月精芝秋生山陽石上莖青上赤味辛苦增又黑芝生於名山之陰大谷中白蓋赤莖味甘秋採之陰乾日食令人身輕齒堅金蘭芝生於名山之陰金石之間上有水蓋莖出入秋旬求之飲其中水壽千

聰明耳目



石首化鳧

原述異記吳郡魚城城下水中有石首魚至秋化為鳧鳧項中尚有石

取鷹

增西陽雜俎取鷹法七月二十日為上時內地者多塞外者殊少八月上旬為次時八月下旬為下

時塞外鷹

畢至矣

蒟蒻

增西陽雜俎蒟蒻根大如碗至秋葉滴露隨滴生苗

預知子

增本草圖經預知子淮蜀漢黔諸州有之七八月有實作房初生青至熟深紅色每房有子五

七枚如阜茨子斑褐色光潤如飛蛾取一枚綴放領上遇蠱毒物則惻惻有聲當便知之故有此名

金錢花

增本草圖經旋復花生平澤山谷大似紅藍而無刺開花如菊花小銅錢大深黃色上黨田野

人呼為金錢花七八月採花曝乾

驚毛玉鳳花

增益部方物畧記驚毛玉鳳花本至卑纖蓬如釵股秋開狀似禽故曰鳳色白故曰

玉以其分輕故曰毛

端聖花

增益部方物畧記端聖花出青城山中幹不條高者乃尋丈花率秋開四出與桃花類然數十

跗共為一花繁密若綴先後相繼新藥開而舊未萎也成都人競移蒔圃中以為尤玩云

海欒

增益部方物畧記海欒不皮而幹葉叢於杪至秋乃實似棟子理緻幹堅風雨不能撼云

蟬花

增益部方物畧記蟬花二川山林中皆有之如蟬之不蛻者至秋則花其頭長一二寸黃碧色治小

兒瘰癧又能已瘡

楸線

增埤雅楸有行列莖幹喬聳凌雲華高可愛至秋垂條如線俗謂之楸線

芸粉

增埤雅芸今七里香是也葉類豌豆作小叢生其花極芬香秋則葉閒微白如粉汗辟蠹殊驗

蚌孕珠

增埤雅蚌孕珠若懷妊然故謂之珠胎

秋海棠

增採蘭標志昔有婦人懷人不見恒灑淚於北牆之下後灑處生草其花甚媚色如婦面其葉

正綠反紅秋開名曰斷腸花即今秋海棠也

馬兜鈴

增政和本草馬兜鈴苗作蔓繞樹而生葉如山芋開黃紫花頗類枸杞花七月結實棗許大如山

鈴其根名雲南似木香小指大赤黃色七八月採實暴乾

采香

增海槎餘錄黎山中產各種香當七八月晴霽遍山尋視見大小木千百皆凋悴其中必有香凝結

乘夜月揚輝探視之則香透林而起用草繫記取之

澤蘭

增楚辭補註澤蘭生水澤中及下濕地苗高二三尺葉尖微有毛不光潤方莖紫節七月八月開花

帶紫  
白色

半邊蓮

增本草綱目半邊蓮小草也生陰濕處邊就地細梗引蔓節節而生細葉秋開小花淡紅紫

色止有半邊如蓮花狀故名

拒霜

增本草綱目木芙蓉八九月始開故名拒霜蘇東坡詩云喚作拒霜猶未稱看來却是拒霜

櫻櫚實

增本草綱目櫻櫚木高一二丈無枝條葉大而圓如車輪萃於樹杪其下有皮重疊裏之每皮

一匝為一節二旬一朶皮轉復生上生黃白花八九月結實作房如魚子黑色山海經云石翠之山其木多櫻

是也

欽定四庫全書

雜錄  
卷十三

秋牡丹

增羣芳譜秋牡丹草本徧地蔓延葉似牡丹差小花似菊之紫鶴翎黃心秋色寂寥花間植數

枝足狀  
秋容

著草

增羣芳譜著神草也能知吉凶蘇頌云上蔡縣白龜祠旁其生如蒿作叢高五六尺一本一二十莖

至多者五十莖生便條直秋後有花出於枝端紅紫色形如菊花結實如艾實

栗實

增羣芳譜栗苞生外殼刺如蝟毛其中著實或單或雙或三四少者實大多者實小實有殼紫黑色

穀內膜甚薄色微紅黑外毛內光膜內肉外黃內白八九月熟則苞自裂而實墜

秋葵

增草花譜秋葵色蜜心紫秋花朝暮傾陽以葵是也秋盡收子移種

蝴蝶花

增草花譜草花儼如蝶狀色黃上有赤色細點潤葉秋時分種

黃蝶

增楊升菴集蝴蝶或黑或白五采皆具惟黃色一種至秋乃多蓋感金氣也李白詩八月蝴蝶黃白

樂天詩秋花紫蒙  
蒙秋蝶黃茸茸

紅葉

增元稹詩風落秋池紅葉多李商隱詩秋應為紅葉雨不厭青苔

占驗

愆候

增管子秋行夏政葉行春政華行冬政耗註盛陽氣乘之故卉木生葉又少陽氣乘之故卉木更生

華又盛陰肅殺故虛耗也淮南子秋行夏令華行春令榮行冬令耗

秋之德雨

增呂氏春秋秋之德雨雨不信其穀不堅穀不堅則五種不成

早寒

增呂氏春秋秋早寒則冬必煖矣

杏多實

增師曠占杏多實不蟲者來年秋善五木者五穀之先欲知五穀但視五木擇其木盛者來年

益種之

葵占

增師曠占欲知牛馬貴賤秋葵下小葵生牛馬貴大葵不蟲牛馬賤

辰星青白

增史記天官書辰星之色秋青白而歲熟

蛙蟄羣鬪

增漢書五行志武帝元鼎五年秋蛙與蝦蟇羣鬪是歲四將軍衆十萬征南越開九郡

信石雲氣

增圖經信石山在鬱林州東南二里一名牢石坡坡上夾石側豎如鐘唐置牢州以此每

歲秋期鄉人共候此石若有雲氣覆之歲必大稔

李再華

增酉陽雜俎李再華秋大霜

秋雷

原戎事類占秋甲子雷歲凶秋月  
暴雷謂之天收百穀虛耗不成

雲陰占

增田家五行秋天雲  
陰若無風則無雨

雜紀

龍見絳郊

增左傳昭公二十九年秋龍見於絳郊

城邗溝

增左傳哀公九年秋吳城邗溝通江淮註於邗  
江築城穿溝東北通射陽湖西北至末口入淮

通糧道也今  
廣陵邗江是

報德星

增史記封禪書元封元年秋有星茀於東井後  
十餘日有星茀於三能望氣王朔言候獨見旗

星出如瓜食頃復入焉有司皆曰  
陛下建漢家封禪天其報德星云



天馬歌

增漢書武帝紀元鼎四年秋  
馬生渥洼水中作天馬之歌

穿昆明池

增漢書武帝紀元狩三年秋發謫吏穿昆明  
池註越雋昆明國有滇池方三百里漢使求

身毒國而為昆明所閉今欲伐  
之故作昆明池象之以習水戰

微行

增漢書東方朔傳微行常用飲酎已八月月中與  
侍中常侍武騎及待詔隴西北地良家子能騎射

者期諸殿門故有期門之號自  
此始微行以夜漏下十刻乃出

秋風辭

增漢武故事帝行幸河東祠后土顧視帝京忻  
然中流與羣臣燕作秋風辭曰秋風起兮白雲

飛草木黃落兮鴈南歸蘭有秀兮菊有芳懷佳人兮不  
能忘汎樓船兮濟汾河橫中流兮揚素波簫鼓鳴兮發

櫂歌懽樂極兮哀情多  
少壯幾時兮奈老何

宜秋聚

增後漢書郡國志  
南陽郡有宜秋聚

杼秋縣

增後漢書郡國志沛國縣杼秋故屬梁國有澶  
淵聚水經註獲水又東歷藍田鄉郭又東逕梁

國杼秋縣  
故城南

登南樓

原晉書庾亮傳亮在武昌諸佐吏殷浩之徒乘  
秋夜往共登南樓俄而不覺亮至諸人將起避

之亮徐曰諸君少住老子於此處興  
復不淺便據胡床與浩等談詠竟坐

江舫誦詩

原晉書袁宏傳宏有逸才文章絕美曾為詠  
史詩是其風情所寄少孤貧以運租自業謝

尚時鎮牛渚秋夜乘月率爾與左右微服泛江會宏在  
舫中諷詠聲既清會辭又藻拔遂駐聽久之遣問焉答

云是袁臨汝即誦詩即其詠史之作也尚傾  
率有勝致即迎升舟與之譚論申旦不寐

孤蓴鱸膾

原晉書張翰傳入洛齊王問辟為東曹掾因見秋風起乃思吳中蓴菜羹鱸魚膾曰人

生貴得適志何能羈官數千里以要名爵乎遂命駕而歸張翰思吳江歌秋風起兮佳景時吳江水兮鱸魚肥

三千里兮家未歸恨難得兮仰天悲

政刑白殿

增晉書張駿傳謙光殿西曰政刑白殿秋三月居之

倭人年紀

增晉書東夷傳倭人不知正歲四節但計秋收之時以為年紀人多壽百年或八九十

蒲柳姿

原世說顧悅與簡文同年而髮蚤白簡文曰卿何以先白對曰蒲柳之姿望秋而落松柏之質

經霜獨茂

觀濤

增齊書州郡志廣陵為南兗州鎮土甚平曠刺史每以秋月多出海陵觀濤與京口對岸江之壯濶

也處

野稻

增南史梁武帝紀中大通三年秋吳興生野稻

蟬耳

原南史朱异傳朱异除中書郎時秋日始拜有飛蟬正集异武冠上時咸謂蟬耳之兆

長生樹

增鄴中記金華殿後有皇太后浴室種雙長生樹枝條交於棟上團團車蓋形冬日不凋葉大如

掌至八九月乃生華子赤大如橡子不中啖也世人謂之西王母長生樹

水唐

增水經注疎水中有物如三四歲小兒鱗甲如鰓鯉射之不可入七八月中好在磧中自曝膝頭似

虎掌爪常沒水中出膝頭小兒不知欲取弄戲便殺人或曰人有生得者摘其鼻厭可以小使名曰水唐者也

田禾復滿

增續搜神記廬陵已丘人周冕者世以田作為業年常田數十頃家漸富晉太元初秋收

已過獲刈都畢明旦至田禾悉復滿湛然  
如初即便更獲所獲盈倉於此遂為巨富

江山神會

增圖經天目山有洞三十六每秋必有一  
日風雨晦暝土俗云是山神與江神會也

金鑿玉膾

增大業拾遺吳郡作鱸魚膾須八月霜下  
之時收鱸魚三尺以下者作乾膾浸漬訖布

裏澀水令盡散置盤內取香柔花葉相間細切和膾撥  
令調勻霜後鱸魚肉白如雪不腥所謂金鑿玉膾東南  
之佳味也皮日休詩共君無  
事堪相賀又到金鑿玉膾時

贈赴舉

增國史補熊執易應舉道中秋雨泥濘逆旅有  
人同宿而屢嘆息者問之乃堯山樊澤將赴制

舉驢劣不能進執易乃輟所乘馬并囊中緜  
帛悉與樊澤以遂其往詰朝執易乃東歸

秋風高

原羯鼓錄明皇又製秋風高每至秋空迴徹  
纖翳不起即奏之必遠風徐來庭葉隨下

永新歌

增樂府雜錄開元中內人有許和子者本吉州永新縣樂家女也開元末選入宮即以永新名

之籍於宜春院善歌能變新聲遇高秋朗月臺殿清虛喉嚨一聲響傳九陌

宮內種甘

增西陽雜俎天寶十年上謂宰相臣曰近日於宮內種甘子數株今秋結實一百五十顆與

江南蜀道所進不異宰相臣賀表曰雨露所均混天區而齊被草木有性憑地氣而潛通故得資江外之珍果為

禁中之華實

秋蠅

增西陽雜俎長安秋多蠅成式蠹書常日讀百家五卷頗為所擾觸曉隱字毆不能已

李牟吹笛

原零陵總記李牟秋夜吹笛於瓜洲舟楫甚隘初發調羣動皆息及數奏微風颯然而至

又俄頃舟人賈客皆有怨嘆悲泣之聲

次定四庫全書

御定月令輯要

行舊卷

增唐詩紀事唐舉子先投所業於公卿之門謂之行卷裴說只行五言十九首至來年秋試復

行舊卷人有識之者說曰只此十九首苦吟尚未有人見知何假別行卷哉識者以為知言尚

秘省聯詩

增唐詩紀事孟浩然閑遊秘省秋月新霽諸英聯詩次當浩然句曰微雲淡河漢疎雨滴

梧桐舉座嗟其清絕咸以之閣筆不復為綴

睢陽異鳥

增宣室志貞元十四年秋有異鳥其色青狀類鵠鵠翔於睢陽之郊止叢木中有羣鳥千

數列於左右前後朝夕各銜蜚蟲稻粱以獻焉是鳥每飛則羣鳥咸噪而導其前或翼其旁或擁其後若傳喚警衛之狀止則環而向焉睢陽人適野縱觀以為羽族之靈者然其狀不類鸞鳳時李翱客於睢陽曰此真鳳鳥也於是作知鳳一章備書其事

傍不肯

增夢溪筆談元豐中慶州界生子方蟲方為秋田之害忽有一蟲生如土中狗蝎其喙有鉗千

萬蔽地遇子方蟲則以鉗搏之悉為兩段旬日子方皆盡歲以大穰其蟲舊曾有之土人謂之傍不肯

紫花梨

增耳目記王公達尚壽春公主聞真定有紫花梨就加封檢泊秋實公主必親選而進之

背畫上時

增歷代名畫記沂國公家背書畫入火蠟要在密潤候陰陽之氣以調適秋為上時暑濕

之時不可用

秋山圖

增圖畫見間誌太平興國中秘閣曝畫時陶穀為翰長因展秋山圖一面令黃居家品第之居

案曰此實居家與父筌同畫絹縫中有居家父子姓名視之果驗花竹禽鳥泉石地形皆極精妙

秋香滿院

原鶴林玉露黃龍寺晦堂老子嘗問山谷以吾無隱乎爾之義山谷詮釋再三晦堂終不



然其說時暑退涼生秋香滿院晦堂因問曰聞木犀香乎山谷曰聞晦堂曰吾無隱乎爾山谷乃服晦堂此等處誠實脫灑亦只是曾點見解却無顏子工夫此儒佛所以不同

# 秋風亭

增會稽志秋風亭在觀風堂之側辛棄疾會稽秋風亭觀雨漢宮春詞亭上秋風記去年娟娟

曾到吾廬山河舉目雖異風景非殊功成者去覺團扇便與人疎吹不斷斜陽依舊茫茫禹跡都無千古茂林猶在甚風流章句解擬相如只今木落江冷眇眇愁余故人書報莫因循忘却蓴鱸誰念我新涼燈火一編太書史公

# 宮殿門名

增玉海漢有萬秋門千秋門北齊有千秋樓後漢有宜秋門魏有延秋門

有上秋門

秋巴納

增遼史營衛志秋巴納曰伏虎林七月中旬自納涼處起牙帳入山射鹿及虎林在永州西北

五十里嘗有虎據林傷害居民畜牧景宗領數騎獵焉虎伏草際戰慄不敢仰視上舍之因號伏虎林每歲車駕至皇族而下分布灤水側伺夜將半鹿飲鹽水令獵人吹角效鹿鳴既集而射之謂之舐嫌鹿又名呼鹿

秋山服飾

增金史輿服志其從秋山之服則以熊鹿山林為文

吳綵雲

增下黃私記八九月中月輪外輕雲時有五色下黃人每值此則急呼女子持鍼線小兒持紙

筆向月拜之謂之乞巧惟吳媪有一女年十二拜之甚勤一夕月下飛一五色綵雲如手掌大駐於女前女徑

吸食之味甚香美明旦梳頭窺鏡面色艷冶彈琴讀書不習而能媪甚喜改名為綵雲有詩一卷行於世

麓臺秋月

增名勝志程符山在濰縣西南二十里左畔有臺方二丈許四望皆山獨留月色里人謂

之麓臺  
秋月

食淪陰

增陵陽子明經秋食淪陰淪陰者日沒以後赤黃氣也

肺用事

增雲笈七籤治肺當用四四為瀉吸為補夫肺者兌之氣金之精其色白其象如懸磬其神如

白狩肺主魄魄化為玉童長七寸持杖往來於肺藏肺者秋之用事常以七月八月九月望旭旦西南平坐鳴天鼓七飲玉漿三然後瞑目吸兌宮白氣入口吞之以補四之損肺以正白之用以致玉童饒則神安思強延年益壽

秋興

增潘岳秋興賦序晉十有四年余春秋三十有二始見二毛以太尉掾寓直於散騎之省僕野人也

攝官承乏猥廁朝列夙興晏寢匪遑底寧譬猶池魚籠鳥而有江湖山藪之思於是染翰操紙慨然而賦於時

秋也故以秋興命篇高適詩  
晚晴催翰墨秋興引風騷

秋葉

增梁書王僧孺傳寒蟲夕叫合輕重而同悲秋葉  
晚傷雜黃紫而俱墜王昌齡長信秋詞金井梧桐

秋葉黃珠簾  
不捲夜來霜

秋草

增孫楚詩晨風飄岐路零雨沾秋草  
戎昱詩閉戶寂無事滿院生秋草

秋堂

增鮑昭詩寒機思嬌婦秋堂泣征客韓愈短  
燈檠歌黃簾綠幕朱戶閉風露氣入秋堂涼

秋原

增沈約詩雲輕  
寒樹日麗秋原

秋巒

增齊竟陵王詩高雲欽色遙  
露已團式詔司警言戾秋巒

秋閨

增劉綬詩樓上起秋風絕望秋  
閨中燭溜花行滿香燃奩欲空

秋江

增吳均詩露下寒  
葭中風起秋江上

秋浦

增劉顯詩落日懸  
秋浦歸鳥飛相次

秋暉

增庾肩吾詩秋暉逐  
行漏朔氣繞相風

秋籜

增庾信詩漂流從  
木梗風卷隨秋籜

秋光

增唐太宗詩秋光凝  
宮馬戴詩露氣竹窻靜秋光雲月深

秋箭

增唐太宗詩夏律昨  
留灰秋箭今移晷

秋緯

增許敬宗詩無機絡  
秋緯如管奏寒蟬

秋樹

增王維詩月度天河光轉濕  
鵲驚秋樹葉  
頻飛韓愈詩露泣秋樹高蟲  
弔寒夜永

秋沙

增杜甫詩遠岸秋沙白連山晚照紅

秋砧

增杜甫詩野樹歌還倚秋砧醒却聞許渾詩蘆花迷夕棹梧葉散秋砧

秋花

增杜甫詩相攜行豆田秋花靄霏霏耿淅詩帶星凝曉露拂霧湧秋花

秋容

增李白詩浮霽滅陽景萬物生秋容

秋衣

增李白詩醉客滿船歌白苧不知霜露濕秋衣

秋池

增權德輿詩時菊洗露華秋池涵霽空

秋波

增白居易詩秋波紅蓼水夕照青蕪岸

秋庭

增白居易詩秋庭不掃攜藤杖閑踏梧桐黃葉行周賀詩落木孤猿在秋庭積葉深

秋練

增白居易詩月出砧杵動家秋練

秋簾

增元稹詩酒醒秋簾冷風急夏衣輕

秋茶

增張籍詩秋茶莫夜飲新自作松漿

秋窻

增嚴維詩漁浦浪花搖素壁西陵樹色入秋窻

秋標

增杜牧詩疏雨洗空曠秋標驚意新

秋灘

增陸龜蒙詩聲利從來解破除秋灘唯憶下桐廬

秋點

增李郢詩江風徹曙不成睡二十五聲秋點長

秋塢

增韋莊詩晚樹連秋塢斜陽映暮岑

御製玉泉山晚景用唐太宗秋日韻晴霞收遠岫宿鳥赴  
高林石激泉鳴玉波迴月湧金熏爐籠竹翠行漏出松  
陰坐愛秋光好翛然靜此心

御製秋日晚景有懷詩寒鴉秋景集南林遙倚屏山綺樹  
陰丹闕遠砧鳴午夜玉壺清漏起遐心衷情靜裏無人  
識外象閒中有物尋憶想千般聞落葉且須持筆漫微  
吟

御製用皇三子秋日郊行應制詩韻風高鳳閣秋萬物變



清幽露冷凝仙掌雲寒聚聚嶺頭荷疎起一鴈蒲盡現羣  
鷗郊外西成好應知禾黍收

御製秋日再過阜平詩春經阜平縣夾道多榛杞雉堞久  
傾頽郭郭僅遺址耆老遮馬前其言質且俚土饒願力  
田三時事耘耔所苦井稅輸道遠越山水聞之切痼瘵  
寧爾在幹止有司近拊循瘡痍庶能起十室忠信存何  
況境百里郊圻戒申畫風土亦洵美問俗此重來居民  
咸色喜易彼蒿與萊荒塗漸成市經野得良圖可以喻

治理

御製出畿東觀秋成詩陰霖連六月宵旰念民生微風收  
潦水過雨見秋成古北龍旗近漁陽鳳輦行戍樓烽火  
息險豈藉長城

梁元帝臨秋賦

增火歇兮秋氣生風起兮秋潦清覽時興而自得聊飛轡而娛情遵三條之廣

路背九仞之高城爾乃登長坂息余驥攬筆舒情沉吟屬思草色雜而香同樹影齊而花異遙峯迢遞紫沙斷絕雲出山而相似水含天而難別

晉子夜秋歌

增白露朝夕生秋風淒長夜憶即須寒服乘月擣白素

謝惠連秋懷詩

增皎皎天月明奕奕河宿爛蕭瑟含風  
蟬嘹唳度雲鴈寒商動清閨孤燈暖幽

慢耿介繁慮積  
展轉長宵半

王融秋夜長

增秋夜長夜長樂未央舞  
袖拂花燭歌聲繞鳳梁

王維山居秋暝詩

增空山新雨後天氣晚來秋明月松  
間照清泉石上流竹喧歸浣女蓮動

下漁舟隨意春芳  
歇王孫自可留

杜甫秋野詩

增秋野日疏蕪寒江動碧虛繫舟蠻井絡  
卜宅楚村墟棗熟從人打葵荒欲自鋤盤

餐老夫食分  
減及溪魚

朱子秋懷詩

增井梧已飄黃澗樹猶含碧煙水但遠迤  
空齋坐蕭瑟端居生遠興散漫委書帙愛

此北窓閑時來岸輕憤微鐘忽迢遞禽  
語破幽寂賞罷一惓然淡泊忘所適

御定月令輯要卷十三

欽定四庫全書

御定月令輯要卷十四

七月令

天道

月卦否

增易否之匪人不利君子貞大往小來本義否閉塞也七月之卦也

流火

原詩七月流火箋大火者寒暑之候也火星中而寒暑退故將言寒先著火所在增潘尼詩商風初

授辰

火微流朱明送夏少昊迎秋張協雜詩大火流坤維白日馳西陸敬括七月流火詩前逢一葉下言念忽

悲秋

變節金初至分寒火正流氣含涼夜早光拂夏雲收助月微明散汾河麗景浮禮標時令爽詩興國風幽

自此觀邪正  
深知王業休

日在翼

原禮孟秋之月日在翼集說翼宿在巳鶉尾之次

中星

原禮昏建星中旦畢中集說建星說見仲春淮南子註畢西方白虎之宿

律中夷則

原禮律中夷則集說夷則申律長五寸七百分二十九分寸之四百五十一增史記律書七

月也律中夷則夷則言陰氣之賊萬物也淮南子夷則之數五十一主七月上生夾鍾原白虎通七月謂之夷則何夷傷則法也言萬物始傷被刑法也

涼風至

原禮涼風至增爾雅北風謂之涼風淮南子景風至四十五日涼風至註坤卦之風也為損又

涼風至則報地德祀四郊  
白虎通涼風至禾黍乾

白露降

原禮白露降楚辭白露紛以塗塗兮秋風  
瀏以蕭蕭古詩白露沾野草時節忽復易

盛德在金

原禮先立秋三日太史謁之天子  
曰某日立秋盛德在金天子乃齊

天地肅

原禮天地始肅不可以羸註肅嚴急之言也羸  
猶解也集說陽道常饒陰道常乏故贊化者不

可使陰氣  
之羸也

相月

原爾雅七  
月為相

大音

增史記天官書涖灘歲歲陰在申星居未以七月  
與東井與鬼晨出曰大音昭昭白其失次有應見

牽牛

漢案戶

原夏小正漢案戶傳案戶  
也者直戶也言正南北也

欽定四庫全書

御定月令輯要



織女東鄉

原夏小正初昏織女正東鄉增星經織女三星在天市東常以七月一日六七日見東方

色赤精明  
女功善

霖雨灌荼

原夏小正時有霖雨灌荼傳灌聚也荼藿葦之莠為將楮之也藿未秀為芟葦未秀為蘆

斗柄在下

原夏小正斗柄縣在下則旦

招搖指申

原淮南子孟秋之月招搖指申增晉書樂志七月之辰謂為申申者身也言時萬物身體

皆成  
就也

濂水

增內經陰陽交期在濂水註濂水者七月建申水生於申也濂水靜也

作銅儀

增後漢書順帝紀陽嘉元年秋七月史官始作候風地動銅儀註時張衡為太史令作之

首秋

原梁元帝纂要七月孟秋首秋上秋肇秋蘭秋增

王僧孺詩

首秋雲物善畫暑且猶清蕭慙詩仙遊

本多趣復此上秋初謝惠連詩悽悽乘蘭秋言餞千里舟

蘭月

原提要七月為蘭月

天功大成

增周易集解乾飛龍在天乃位乎天德何安曰此當七月萬物盛長天功大成故云天德

也

陰升

增周易集解坤六三含章可貞干寶曰陰氣在三月之時自否來也陽降在四三公位也陰升在

三三公

事也

包藏萬物

增周易集解坤以藏之九家易曰建申之月坤在乾下包藏萬物也

太乙

增夢溪筆談七月百穀成實自能任持故曰太乙

御製早秋新霽詩卷幔過新雨披襟納好風餘霞明遠岫  
倒景射晴虹稼穡豐年足乾坤爽氣同高天雲斷處歷  
歷見初鴻

御製塞外新秋詩松塞雲峰轉邊陲秋氣長楓林消溽暑  
柏葉送清香禾黍宜關外情懷喜夜涼年豐還重穀處  
處有餘糧

御製塞北早秋詩萬馬邊聲合雙旌障口開霜威隨出塞

秋色壯登臺雁度連營去鷹呼絕巘迴蒼茫雲海月永  
夜照龍堆

御製初秋詩大火初收暑氣殘金風吹動芰荷寒鳴蟬送  
夏聲聲急雨霽遙天萬里看

庾信和初秋詩

增落星初伏火秋霜止動鐘北閣連橫  
漢南宮應鑿龍祥鸞棲竹實靈蔡上笑

荅自有南風曲  
還來吹九重

蕭愨和初秋西園應教詩

增池亭三伏後林館九秋前  
清冷閒泉石散漫雜風烟蕖

開千葉影榴艷百枝然約  
嶺停飛旆凌波動畫船

唐太宗皇帝儀鸞殿早秋詩

增寒驚薊門葉秋發小山枝松陰背日轉竹影避風

移提壺菊花岸高興芙蓉池欲知涼氣早巢空燕不窺

楊師道初秋夜坐應詔詩

增玉琯涼初應金壺夜漸闌滄池流稍潔仙掌露方溥鴈

聲風處斷樹影月中寒爽氣長空淨高吟覺思寬

劉禕之九成宮秋初應制詩

增帝圓疏金闕仙臺駐玉鑾野分鳴鶯岫路接寶雞

壇林樹千霜積山宮四序寒蟬急知秋早鶯踈覺夏闌怡神紫氣外凝睇白雲端舜海詞波發空驚游聖難

李白太原早秋詩

增歲落衆芳歇時當大火流霜威出塞早雲色渡河秋夢繞邊城月心飛

故國樓思歸若汾水無日不悠悠

白居易酬牛相公宮城早秋兼呈夢得詩

增七月  
中氣  
後金與火交

爭一閨白雪唱暑退清風生碧樹未搖落寒蟬始悲鳴  
夜涼枕簟滑秋燥衣巾輕疏受老慵出劉楨疾未平何

人伴公醉新  
月上宮城

晏殊初秋宿直詩

增上帝冊書羣玉府仙人宮闕巨鰲  
山涼蟬度影秋陰薄促漏聲來夜唱

開

楊萬里初秋暮雨詩

增禾穗輕黃尚淺青村春已報隔  
林聲忽驚暮色翻成曉仰見雙虹

雨外  
明

節序

秋始

增管子以夏至始數四十  
六日夏盡而秋始而黍熟

立秋

原淮南子大暑加十五日斗指背陽之維則夏分  
畫故曰有四十六日而立秋涼風至音比夾鍾孝

經緯大暑後十五日斗指坤為立  
秋者擎也物於此而擎歛也

處暑

原淮南子立秋加十五日斗指申則處暑音比姑  
洗孝經緯立秋後十五日斗指申為處暑言瀆暑

將退伏而  
潛處也

鷹隼擊

增漢書五行志立秋而鷹隼擊又孫寶傳寶為  
京兆尹故吏侯文以剛直不苟合常稱疾不肯

仕寶以恩禮請文欲為布衣友日設酒食妻子相對文  
求受署為掾進見如賓禮數月以立秋日署文東部督  
郵入見敕曰今日鷹隼始擊當順天氣取奸惡以成嚴  
霜之誅掾部渠有其人乎文叩曰無其人不敢空受職

寶曰誰也文曰霸陵杜穉李寶曰其次文曰豺狼橫道不宜復問狐狸春秋元命苞瑤光星散為鷹立秋之日

鷹鷂擊

嘗染

增漢書韋元成傳廟歲二十五祠註立秋嘗染

坤王

增京房易占立秋坤土王涼風用事周易集解致役乎坤崔憬曰立秋則坤王而萬物致養也

陰雲出

增易通卦驗立秋濁陰雲出如赤縵

赤雲出

增易通卦驗處暑赤雲出

虎嘯

增易通卦驗立秋虎始嘯

蜻蛚上堂

增易通卦驗立秋白露下蜻蛚上堂



促織鳴

原詩紀歷樞立秋促織鳴女工急促之候也增謝朓詩秋夜促織鳴南鄰擣衣裳

樂用磬

增樂緯坤主立秋樂用磬五經要義磬立秋之樂也白虎通磬者夷則之氣象萬物之成

閭闔風至

增符瑞圖立秋西方閭闔風至

歲半

增內經歲半之前天氣主之歲半之後地氣主之註歲半謂立秋之日也

迎秋西郊

增後漢書祭祀志立秋之日迎秋於西郊祭白帝蓐收車旗服飾皆白歌西皓八佾舞育

命之舞隋書禮儀志秋迎白招拒者招集拒大也言秋時集成萬物其功大也

驅劉

原後漢書禮儀志立秋之日自郊禮畢始揚威武斬牲於郊東門以薦陵廟其儀乘輿御戎路白馬

朱鬣躬執弩射牲牲以鹿麋太宰令謁者各一人載獲車馳驅送陵廟斬牲之禮名曰驅劉增又百官志每立

秋獵劉之日暫置水衡都尉事訖乃罷之漢儀注立秋  
輶腰腰音劉殺也祭名也輶虎屬常以立秋日祭獸  
王者亦以此日出獵還以祭宗廟故有輶腰之祭也鹽  
鐵論月令涼風至殺氣動蜻蛚鳴衣裘成天子行微刑

始輶腰以  
順天今

乘之

增後漢書禮儀志立秋之日武官肄兵習戰陣  
之儀兵官皆肄孫吳兵法六十四陣名曰乘之

都試

增後漢書李通傳材官都試騎士日註漢法以立  
秋日都試騎士謂課殿最也漢官儀高祖選能引

關蹶張才力武猛者為輕車騎士材官樓船常以立  
後講肄課試各有員數平地用車騎山阻用材官水泉

船用樓

順時決獄

增後漢書魯恭傳永初元年上疏月令孟夏  
斷薄刑仲夏挺重囚今孟夏之制可從此令

其決獄案考皆以立  
秋為斷以順時節

迎秋樂

增皇覽自夏至數至四十六日則天子迎秋於西堂距邦九里堂高九尺堂階九等白稅九乘

旗旄尚白田車載兵號曰助天收唱  
之以商舞之以干戚此迎秋之樂也

戴楸葉

增四民月令京師立秋滿街賣楸葉婦女兒童皆剪成花樣戴之形製不一乾淳歲時記立秋

日都人  
戴楸葉

鵲尾之次

增月令章句自張十二度至軫六度謂鵲尾之次立秋處暑居之楚之分野

真人會仙官

增登真隱訣立秋日月中五岳諸真人詣黃老君於黃房靈庭山會仙官於日中定

天下神圖  
靈圖靈樂

治兵

增魏書建安二十一年有司奏以立秋擇吉日大朝車騎號曰治兵

離合風

增要覽列子御風常以立秋遊乎風穴是風至草木皆生去則搖落謂之離合風

治大小麥

增齊民要術大小麥立秋前治訖蒿艾簞盛之良註立秋後則蟲生

備始涼

增齊民要術處暑中向秋節浣故製新作檢薄以備始涼難大小麥豆收練新

祀靈星

增隋書禮儀志開皇初於國城東南七里延興門外為靈星壇立秋後辰祠以一少牢通典立

秋後辰日祀靈星祝曰九穀方成三時不害馮茲多祐介其農穡開元祀於國城東南天寶四載升中祠

秋水赤豆

增乾淳歲時記立秋日都人飲秋水赤小豆本草綱目七月立秋日面西以井華水吞赤

小豆七枚一秋不犯痢疾

欽定四庫全書

卷十四

玉女擣帛石

增紀異嵩山之上。有玉女擣帛石。瑩徹光潔。人莫能測。岳下人云。立秋前一日。中夜

常聞杵聲響

祭嶽鎮海瀆

增金史禮志。立秋祭西嶽華山。於華州西鎮吳山。於隴州望祭西海。西瀆於河中府。

樗根餽餽

增山家清供。劉禹錫著。樗根餽餽。法立秋前後。謂世多痢及腰痛。取樗根一兩。握搗篩。和

麴捻餽餽。清水煮空。腹十枚。並無禁忌。

楸葉膏

原居家宜忌。立秋日。太陽未升。採楸葉熬膏。搽治瘍。立愈。名楸葉膏。熬法以葉多方稠。

飲井水

原常氏日錄。立秋日。人未起。汲井水。長幼飲之。却病。增海寧縣志。七月立秋日。人立飲。少水謂

可免生癆。且止痢。

攔稻

增陶朱公書稻田立秋後不添水曬十餘日謂之攔稻

桐葉脫

增陶朱公書梧桐立秋之刻必脫一葉羣芳譜梧桐如某時立秋至期一葉先墜

御製立秋前一日晚同左右閒坐進鮮果偶作初到金風

天氣晚微涼雨後畫簾垂九重迴出白雲遠三殿高臨

北斗移珍果滿盤新獻節碧梧一葉報秋時漏深不寐

題詩句月色輝煌照鳳墀

司空曙立秋日詩

增律變新秋至蕭條自此初花酣蓮報謝葉在柳呈疏淡月多雲映清風

似雨餘捲簾涼暗度却扇暑先除草靜多翻燕波澄乍露魚今朝散騎省作賦興何如

白居易立秋日登樂遊園詩

增獨行獨語曲江頭回馬遲遲上樂遊蕭颯涼風與

衰鬢誰教計會一時秋

劉言史立秋詩

增茲辰戒流火商飈早已驚雲天收夏色木葉動秋聲

朱子立秋日遊三峽詩

增抗塵幾何時猿鶴共悲怨豈知朱墨暇乃適山水願茲晨秋

令初休沐謹邦憲佳賓忽四來英僚亦三勸駕言北郭門謝此襍隼建散目山崔嵬縱轡路修曼凭欄快倒峽躋壑困脫輓追攀林樾深歡喜脚力健登高眺遠浦衆景爭自獻何必仍丹丘徑欲凌九萬

楊萬里立秋後一日雨天欲暮小立問月亭詩

增雨後林中別

樣涼意行幽徑不知長風蟬幸自無星事強為閑人報夕陽

周伯琦立秋日書事三首

增大駕留西內茲辰祀典揚  
龍衣遵質樸馬酒薦馨香望

祭園林遡追崇廟拓光艱難思創業萬業祚無疆自註  
國朝歲以七月七日或九日天子與后素服望祭北方  
陵園奠馬酒執事者皆世臣子弟是日擇日南行又鐵  
剌標山影金鋪耀日華龍迴秋歇雨燕落晝翻沙苑御  
調驍騎官葦輿車長楊誰共賦滿耳沸寒笳自註上  
京西山樹鐵樞竿高數十丈以其下海中有龍用梵  
家說作此鎮之又涼亭千里內相望列東西秋獮聲容  
備時巡典禮稽鵠鳬隨矢落緞鹿應弦迷乾豆歸時薦  
康莊頌耄倪自註上京之東五十里有東涼亭西百五  
十里有西涼亭其地皆饒水草有禽魚山獸置離宮巡  
守至此歲  
必獵較焉

日次



初一日

書屏風

增舊唐書憲宗紀元和四年七月乙巳朔御製前代君臣事迹十四篇書於六扇屏風是月出

書屏以示宰臣李藩等表謝之

弛珠池禁

增唐書懿宗紀咸通四年七月辛卯朔弛廉州珠池禁

奏四庫書

增唐書要開成元年七月戊辰朔分察使奏秘書省四庫見在新舊書籍共五萬六千四

百七十  
六卷

先天節

原宋史禮志大中祥符元年以七月一日聖祖降日為先天節

觀文監古圖

增玉海慶厯元年七月戊申朔上命圖畫前代帝王美惡之事可為監戒者號觀文

監古圖上自為記召  
輔臣至迎陽門觀之

金太祖生

增金史太祖紀遼道宗時有五色雲氣屢出  
東方司天孔致和曰其下當生異人建非常

之事天以象告也咸雍四年戊申七月一日太祖生

授智慧法文

增雲笈七籤元始天尊以開皇元年七月一日於西那玉國鬱察山浮羅之嶽長桑

林中授太上大道君智慧上品大誡法文

白居易七月一日作

增七月一日天秋生履道里開居見清景高興從此始林間暑雨歇

池上涼風起橋竹碧鮮鮮岸莎青靡靡蒼然古盤石清  
淺平流水何言中門前便是深山裏雙僮侍坐卧一杖  
扶行止飢聞麻粥香渴覺雲湯美平生所好  
物今日多在此此外更何思市朝心已矣

李賀七月一日曉入太行山詩

增一夕遶山秋香露溼  
蒙萊新橋倚雲阪候蟲

嘶露撲洛南今已遠越衾誰為  
熟石氣何淒淒老莎如短鏃

陸游七月一日詩

增兀傲胡牀酒半醒釣筒收盡數舟  
橫風生細葛無三伏月上疎林正四

更北斗離離低欲盡明河脈脈去無聲  
升仙豈復塵中戀便擬騎鯨返玉京

初二日

議立明堂

增唐會要永徽二年七月二日詔禮官學士  
議立明堂柳宣依鄭康成議五室孔志約據

大戴禮及盧植蔡邕議九室趙慈皓薛文思等各造明  
堂圖樣上以九室之議理有可依令所司詳定明堂形

制大小階基高下及  
辟雍門闕等制度

初三日

有霧歲熟

原望氣經七月三日有霧歲熟

岑參七月三日宿關西客舍寄東山嚴許二山人詩

增雲

送關西雨風傳渭北秋孤燈燃客夢寒杵擣鄉愁灘上思嚴子山中憶許由蒼生今有望飛詔下林丘

杜甫七月三日亭午已後較熱退晚加小涼穩睡有詩

增今茲商用事餘熱亦已末衰年旅炎方生意從此活亭午減汗流北鄰耐人聒晚風爽烏匱筋力蘇摧折

初四日

觀山川形勢

增玉海至道三年七月四日真宗語宰臣曰朕欲觀邊防郡縣山川形勢可擇使以

往乃選左藏副使楊允恭崇儀副使竇神寶閣門祗候李允則乘傳視山川形勢

置鑄錢監

增玉海熙寧三年七月四日詔京西淮淞江西荆湖六路各置鑄錢監一江荆以十五萬

餘以萬緡為額

進都水名山記

增玉海熙寧八年七月四日右諫議大夫沈立進都水記二百卷名山記一百

卷

初五日

旗幡改色

增唐會要天寶九載七月五日諸衛隊仗緋色旗幡改為赤黃以符土運

造大路大旗

增玉海政和六年七月五日造大路如玉路之制唯不飾以玉樊纓一就以尚質又

製大旗十有二旒龍章而設  
日月建於大路之上以象天

蘇軾七月五日詩

增何處覓新秋蕭然北臺上秋來未  
云幾風日已清亮雲間聳孤翠林表

浮遠漲新棗漸堪剥晚瓜猶可餉西風送落  
日萬竅含悽愴念當急行樂白髮不汝放

初六日

烹雙鯉

增前定錄陸賓虞舉進士在京師有僧曰惟瑛  
知術數寶曆二年春賓虞欲罷舉歸吳惟瑛留

止一宿謂曰來歲成名不必歸但取京兆薦送至七月  
六日若食水族則殊等與及第必矣賓虞後適從孫聞  
禮之舍既入聞禮喜迎曰向有人惠雙鯉魚方欲候翁  
而烹之賓虞素嗜魚便令作羹則七月六日也遽命駕  
詣惟瑛且紹之曰將遊蒲闌瑛笑曰水族已食矣遊蒲  
闌何為賓虞深信之因取薦京兆府果得殊等明年登

第

誕辰參賀

增容齋隨筆唐穆宗即位之初年詔曰七月六日是朕載誕之辰其日百僚命婦宜於光

順門進名參賀朕於門內與百僚相見

七夕用六日

增容齋三筆太平興國三年詔七夕嘉辰著於令甲今之習俗多用六日非舊制也

宜復用七日且名為七夕而用六不知始自何時然唐世無此說必出於五代耳

天清節

增遼史景宗紀有司請以帝生日七月六日為天清節從之

夢神女

增奚囊橘柚袁伯文七月六日過高唐遇雨宿於山家夜夢女子甚都自稱神女伯文欲留之

神女曰明日當為織女造橋違命之辱伯文驚覺天已辨色啟窻視之有羣鵲東飛有一稍小者從窻中飛去

是以名鵲  
為神女也

杜甫早秋苦熱堆案相仍詩

增七月六日苦炎蒸對食暫餐還不能每愁夜中自

足蝸況乃秋後轉多蠅束帶發狂欲大叫簿書何急來相仍南望青松架短壑安得赤脚踏層冰

楊維禎秋日招飲湖上詩

增七月六日流火驕故人重有濠梁招洗車快借雙星雨

打鼓如逌八月潮下馬題詩岳王寺解貂沽酒段家橋西湖顏面晚更好水晶宮中吹玉簫

初七日

漢武帝生

原漢武故事景帝嘗夢高祖謂己曰王美人生子可名為彘以乙酉年七月七日旦生武

帝於倚  
蘭殿



# 西王母至

原漢武故事七月七日上於承華殿齋忽見一青鳥從西方來上問方朔何鳥對曰西王

母將降宜灑掃以待之夜漏七刻果降增博物志漢武帝好仙道時西王母遣使乘白鹿告帝當來乃供帳九

華殿以待之七月七日夜漏七刻王母乘紫雲車而至於殿西南面東向頭上戴七種青氣鬱鬱如雲有三青

鳥如烏犬使侍母旁時設九微燈帝東面西向王母索七桃大如彈丸以五枚與帝母食二枚帝食桃輒以核

著膝前母曰取此核何為帝曰欲種之母笑曰此桃三千年一生實時東方朔竊從殿南廂朱鳥牖中窺母母

顧之謂帝曰此窺牖小兒常三來盜吾此桃由此世人謂方朔神仙也曹唐漢武帝於宮中宴西王母詩鼇岫

雲依太乙壇武皇齋潔不勝惟長生碧宇期親署延壽丹泉許細看劍佩有聲宮樹靜星河無影禁花寒秋風

裊裊月朗朗玉女清歌一夜闌

上元夫人

增漢武內傳七月七日王母至遣侍女郭密

事勞我致以愆面劉徹好道適來視之若能屈駕當停

相須須臾夫人至從官文武千餘人夫人上殿向王母

拜王母坐而止之呼同坐北向帝拜問寒溫還坐王母

巾笈中有一卷書盛以紫錦之囊出以示曰此五嶽真

形圖也今以相與上元夫人語帝曰今雖得真形而無

五帝六甲左右靈飛之符十二事何以召山靈朝地神

攝總萬精駢策百鬼束虎豹役蛟龍乎即命侍女紀離

容到扶廣山敕青真小童出六甲左右靈飛致神之方

以授須臾侍女還捧五色玉笈鳳文之蘊以出其文

夫人手指所施用節度示帝焉凡十二事帝拜受

採守宮

增淮南萬畢術七月七日採守宮陰乾之合以井華水和塗女身有文章即以丹塗之不去者

不淫去  
者有奸

緱山乘鶴

原列仙傳王子喬好吹笙作鳳凰鳴遊伊洛之間道士浮丘公接以上嵩山三十餘年後

求之於山見桓良曰告我家七月七日待我於緱氏山頭果乘白鶴駐山嶺望之不到舉手謝時人數日而去

宋之問王子喬詩王子喬愛神仙七月七日上賓天白虎搖瑟鳳吹笙乘騎雲氣吸日精吸日精長不歸遺廟

今在兩人非空望山頭草草露濕人衣

安公騎龍

原列仙傳陶安公者六安鑄冶師也一朝火散治上熱色衝天安公伏治下求哀須臾朱

崔正治上曰安公安公治與天通七月七日迎汝以赤龍至日龍來安公騎之東南而去

鵲橋

增風俗通織女七夕當渡河使鵲為橋爾雅翼涉秋七日鵲首無故皆髡相傳是日河鼓與織女會

於漢東役烏鵲為梁以渡故毛皆脫去江山縣志七月剪午日繫臂綠繩投之屋謂助駕鵲橋

作麴

原四民月令七月七日作麴

卷耳麴

增四民月令卷耳伏後二十日為麴至七月七日乾之覆以胡蓂爾雅翼卷耳雖下謂之胡蓂

可煮為茹又以其葉覆麴作黃衣

合丸

原四民月令七月七日合藍丸及蜀漆丸

暴書

原四民月令七月七日暴經書及衣裳不蠹世說郝隆七月七日出日中仰卧人問其故答曰我曝

書太平御覽晉高祖不欲屈節曹氏辭以風痺魏武遣親信令史微服於高祖門外樹蔭下息時七月七日高

祖方曝書令史竊知還告乃重遣辟之

良日

原風土記魏時人或問董勛云七月七日為良日飲食不同於古何也勛云七月黍熟七日為陽數

故以糜為珍今北人唯設湯餅無復有糜矣

曹公器物

增陸機與弟書在平原嘗按行曹公器物書

相連愛

原西京雜記戚夫人侍兒賈佩蘭後出為扶風人段儒妻說在宮內時七月七日臨百子池作

于開樂樂畢以五色縷相羈謂為相連愛

穿鍼

原西京雜記漢絳女常以七月七日穿七孔鍼於

綵縷穿七孔鍼或以金銀鑰石為鍼輿地志齊武帝起層城觀七月七日宮人多登之穿鍼世謂之穿鍼樓開

天遺事七夕宮中以錦結成樓殿高百尺上可以勝數十人陳以瓜果酒炙設坐具以祀牛女二星妃嬪各以

九孔鍼五色線向月穿之過者為得巧之候增梁簡文帝七夕穿鍼詩憐從帳裏出想見夜窻開鍼歌疑月暗

縷散怪風來劉孝威七夕穿鍼詩縷亂恐風來衫輕羞  
指見故穿雙眼鍼持縫合歡扇劉遵七夕穿鍼詩步月  
如有一縷情來不自禁向  
花抽一縷舉袖舞雙鍼

乞巧

增荆楚歲時記七月七日是夕人家婦女陳瓜果  
於庭中以乞巧有喜子綢於瓜上則以為符應開

天遺事華清宮每七夕陳花果酒食祠牛女以乞巧又  
聚極小蜘蛛置盒中至曉開視以蛛絲䟽密為得巧多  
少東京夢華錄七月初六日七日晚貴家多結綵樓於  
庭謂之乞巧樓鋪陳磨喝樂花瓜果酒炙筆硯鍼線或兜  
童裁詩女郎呈巧焚香列拜謂之乞巧帝京景物畧七  
月七日之午丟巧鍼婦女曝盎水日中頃之水膜生面  
繡鍼投之則浮看水底鍼影有成雲物花頭鳥獸影者  
有成鞋及剪刀水茄影者謂乞得巧其影粗如槌細如  
絲直如軸蠟此拙徵矣柳宗元乞巧文柳子夜歸自外  
庭有設祠者饗餌馨香蔬果交羅挿竹垂綏剖瓜犬牙

且拜且祈怪而問焉女隸進曰今茲秋孟七夕天女之  
孫將嬪於河鼓邀而祠者幸而與之巧驅去蹇拙手目  
開利組縫製將無滯於心焉為是禱也柳子曰苟然  
歟吾亦有所大拙倘可因是以求去之乃纓弁束衽促  
武縮氣旁趨曲折偃僂將事再拜稽首稱臣而進權德  
輿七夕見與諸孫題乞巧文詩外孫爭乞巧內子共題  
文隱映花匳對參差綺席分鵲橋臨片月  
河鼓掩輕雲羨此嬰兒輩歡呼徹曙聞

牽牛織女

原荆楚歲時記七月七日為牽牛織女聚會  
之夜註按戴德夏小正云是月織女東向蓋

言星也春秋斗運樞云牛女神名畧石氏星經云牽牛  
名天關佐助期云織女神名收陰史記天官書云是天  
帝外孫傅休奕擬天問云七月七日牽牛織女會天河  
此則其事也河鼓黃姑牽牛也皆語之轉周處風土記  
七月七日其夜灑掃於庭露施几筵設酒脯時果散香  
粉於筵上以祀河鼓織女言此二星神當會守夜者咸

懷私願或云見天漢中有奕奕正白氣光耀五色以此  
為徵應見者便拜而願乞富乞壽無子乞子唯得一  
不得兼求三年乃得言之頗有受其祚者續齊諧記桂  
陽城武丁有仙道常在人間忽謂其弟曰七月七日織  
女當渡河諸仙悉還宮吾向已被召不得傳與爾別矣  
弟問曰織女何事渡河去當何還答曰織女暫詣牽牛  
吾復三年當還明日失武丁至今云織女嫁牽牛增古  
詩迢迢牽牛星皎皎河漢女纖纖擢素手札札弄機杼  
終日不成章泣涕零如雨河漢清且淺相去復幾許盈  
盈一水間脉脉不得語謝惠連七夕咏牛女詩落日照  
簷楹升月照簾櫳團團滿葉露淅淅振條風蹀足循廣  
除瞬目矚曾穹雲漢有靈匹彌年闊相從遐川阻昵愛  
修渚曠清容投杼不成藻偉轡驚前蹤昔離秋已兩今  
聚夕無雙傾河易迴幹款情難久悰沃若靈駕旋寂寥  
雲幄空留情顧華寢遙心逐奔龍沈約織女贈牽牛詩  
紅粧與明鏡二物本相親用持施點畫不照離居人往



秋難一照一照復還塵塵生不復拂蓬首對河津冬夜  
寒如是寧遠道陽春初商忽云至暫得奉衣巾施衿已  
成故每聚輒如新王筠牽牛答織女詩新知與生別由  
來儻相值豈知寸心中一宵懷兩事歡娛未繼綵條忽  
成離異終日遙相望祇益生愁思猶想今春悲尚有故  
年淚忽遇長河轉獨喜涼颼至奔精翊鳳軫纖阿警龍  
轡杜南牽牛織女詩牽牛出河西織女處其東萬古永  
相望七夕誰見同神光意難候此事終蒙朧峴然精靈  
合何必秋遂通亭亭新妝立龍駕其曾空世人亦為爾  
祈請走兜童稱家隨豐儉白屋達公宮膳夫翊堂殿鳴  
玉淒房櫳曝衣偏天下曳月揚微風蛛絲小態曲綴  
瓜果中初筵浥重露日出甘所終嗟汝未嫁女秉心鬱  
忡忡防身動如律竭力機杼中雖無姑舅事敢昧織作  
功明明君臣契咫尺或未容義無棄禮法恩始夫婦恭  
小大有佳期戒之在至公  
方圓苟齟齬丈夫多英雄

王遠至蔡經家

原神仙傳王遠字方平欲東入括蒼山過吳住胥門蔡經家經小民而骨相當

仙遠於是告以要言乃委經而去經後入室以被自覆忽然失之去十餘年忽還家語家人曰七月七日王君當來可多作飲食以供從官至其日王君果來經舉家皆見之前後麾節幡旗導從威儀奕奕如大將軍也遠坐因遣人召麻姑麻姑至蔡經亦舉家見之是好女子年可十八九許坐定各進行廚擘脯而食之云麟脯麻姑手爪似鳥經心中念曰背大癢時得此爪以爬背當佳也遠已知經心中所言即使人牽經鞭之謂曰麻姑神人也汝何忽謂其爪可爬背耶但見鞭著經背亦莫見有人持鞭者遠去後經家所作飲食數百斛皆盡亦不見有人飲食也曹唐王遠宴麻姑蔡經宅詩好風吹樹杏花香花下真人道姓王大篆龍蛇隨筆札小天星斗滿衣裳閑拋南極歸期晚笑指東溟飲興長要喚麻姑同一醉使人沽酒向餘杭

曬衣

原世說阮仲容步兵居道南諸阮居道北阮皆富南阮貧七月七日北阮盛曬衣皆紗羅錦綺仲

容以竿挂大布犢鼻褌於中庭人或怪之答曰未能免俗聊復爾耳園苑疏太液池西有武帝曝衣閣常至七月七日宮女出后衣曝之增韋氏月錄七月七日曬曝草裘無蟲沈佺期曝衣篇君不見昔日宜春太液邊披香畫閣與天連燈華灼爍九微映香氣氤氲百和燃此夜星繁河正白人傳織女牽牛客宮中擾擾曝衣樓天上娥娥紅粉席曝衣何許曛半黃宮中綵女提玉箱珠履奔騰上蘭砌金梯宛轉出梅梁絳河裏碧烟上雙花伏兔夾屏風七子盤龍擎斗帳舒羅散縠雲霧開綴玉垂珠星漢迴朝霞散綵羞衣架曉月分光劣鏡臺上有仙人長命綰中有玉女迎歡繡玳瑁簾中別作春珊瑚窻裏翻成畫椒房金屋寵新流意氣驕奢不自由漢文宜惜露臺產晉武須焚前殿裘

寫陰符

經至增神山感遇傳李筌號達觀子好神仙之道

漆軸

緘以玉匣題曰大魏真君二年七月七日上清道士寇謙之藏諸名山用傳同好其本糜爛筌抄讀數千

遍竟不曉其義理因入秦至驪山下逢一老母與筌說陰符之義曰此符凡三百言一百言演道一百言演術

一百言演法上有神仙抱一之道中有富國安民之法下有強兵戰勝之術本命日誦七遍益心機加年壽每

年七月七日寫一本藏名山石巖中得加算久之母出一瓠令筌谷中取水及還已失老母筌有將畧作太白

陰符十卷有相業著中台志十卷竟入名山訪道不知所終

織女降臨

原神仙感遇傳郭子儀初從軍至銀川日暮將宿忽見左右皆有赤光仰視空中見駢輻

車繡幄中有一美女坐牀垂足自天而下子儀拜祝云今七月七日必是織女降臨願賜長壽富貴女笑曰大

富貴亦壽考言訖冉冉昇天猶正視子儀良久而  
隱子儀後立功貴盛拜太尉尚書令尚父年九十

武陵池

原神境記武陵一孤山嶺有池魚鱉無不  
備有七月七日乃出游嶺巔族類各別

魏太祖生

原魏書太祖紀母獻明賀皇后寢息夢日出  
室內寤而見光自牖屬天歛然有感以建國

三十四年七月七日生太祖  
於參合陂北其夜復有光明

作酒法

增食經七月七日作酒法方一石麴作糗餅編  
竹甕下羅餅竹上密泥甕頭二七日出餅曝令

燥還內甕中一石  
米合得三石酒也

作大酢法

增齊民要術七月七日取水作之大率麥麴  
二斗勿揚簸水三斗粟米熟飯三斗攤令冷

任甕大小依法  
加之以滿為限

百蟲將軍廟

增水經注百蟲將軍姓伊氏諱益字隲敬帝高陽之第二子伯益者也晉元康五年

七月七日順人吳

義等建立堂廟

祭杼

原唐書百官志織染署七月七日祭杼

神光照室

原初學記世傳竇后少小頭禿不為家人所齒遇七夕皆省織女獨不許后出乃有神光

照室為后之瑞

五色雲墜

原寶記唐開元中李氏者為尼號曰真如天寶元年七月七日忽於寺庭見五色雲墜眎

之一囊中有五物乃寶玉也真如獻於朝

夷則之鏡

增博異志天寶中有陳仲躬於洛陽清化里假居一宅其井好溺人忽一日水頓竭清旦

有人叩門云敬元穎請謁仲躬命入元穎曰此井有毒龍昨夜已朝太乙今井已無水命匠淘之則脫難矣仲躬命匠入井獲古銅鏡一枚面濶七寸八分一更後見元穎自門入曰某本師曠所鑄十二鏡之第七其鑄時皆以日月為大小之差元穎則七月七日午時所鑄者也言訖再拜去自此不復見形矣其鏡背有二十八字皆科斗書以今文推而寫之曰維晉新公二年七月七日午時於首陽山前白虎潭鑄成此鏡千年後出於背上環書一字管天文一宿依方列之則左有日而右有月龜龍虎雀各依方安焉於鼻中題曰夷則之鏡

長生殿

增白居易長恨歌七月七日長生殿夜半無人私語時在天願為比翼鳥在地願為連理枝天

長地久有時盡此恨綿綿無絕期陳鴻長恨歌傳上皇遷於西內有道士自蜀來知上皇心念楊妃自言有李少君之術乃竭其術以索之不至又旁求四虛上下東極大海跨蓬壺見最高仙山上多樓闕西廂下有洞戶

署曰王妃太真院方士抽簪叩扉有碧衣侍女延入見  
一人冠金蓮披紫綃佩紅玉曳鳳舄問皇帝安否次問  
天寶十四載已還事言訖惘然方士前跪致詞乞當時  
一事不明於他人者驗於上皇王妃茫然退立徐而言  
曰昔天寶十年侍輦避暑驪山宮秋七月牽牛織女相  
見之夕秦人風俗是夜張錦綉陳飲食樹花幡焚香於  
庭號為乞巧宮掖間尤尚之時夜始半休侍衛於東西  
廂獨侍上上憑肩而立因仰天感牛女事密相誓心願  
世世為夫婦此獨君王知之耳

### 兩儀殿賦詩

增唐詩紀事景龍二年七夕御兩儀殿賦詩李嶠奉和七夕會兩儀殿應制靈匹三

秋會仙期七夕過槎來人汎海橋渡鵲填河帝縷昇銀  
閣天機罷玉梭誰言七襄詠重入五絃歌趙彥昭應制  
青女三秋節黃姑七月期星橋渡玉佩雲閣掩羅帷河  
氣通仙掖天文入睿詞今宵望雲漢應得見蛾眉劉憲



應制秋吹過雙闕星仙動二靈更深移月鏡河淺度雲  
耕殿上呼方朔人間失武丁天文茲夜裏光映紫微庭  
蘇頲應制靈媛秉秋發仙裝警夜催月光窺欲渡河色  
辨應來磯石天文寫鉞樓御賞開竊觀棲鳥至疑向鵲  
迴橋

神童賦詩

增唐詩紀事林傑幼而秀異言則成文五歲  
所為盈軸明年遂獻唐中丞唐命子弟延入

學院時會七夕賦乞巧詩傑援筆曰七夕今宵看碧霄  
牛郎織女渡河橋家家乞巧望秋月穿盡紅絲幾百條

唐嘆曰真  
神童耳

步虛歌

增全唐詩話李行言中宗時為給事中能唱步  
虛歌帝七月七夕御兩儀殿會宴命為之行言

於御前長跪作三洞道士清  
詞歌曲貌偉聲暢上頻嘆美

登舜山詩

原酉陽雜俎魏僕射收臨代七月七日登舜山徘徊顧眺謂主簿崔曰吾所經多矣至於

山川沃壤襟帶形勝天下名州不能過此唯未審東陽何如崔對曰青有古名齊得舊號二處山川形勢相似曾聽所論不能踰越公遂命筆為詩於時新故之際司存缺然求筆不得乃以五伯杖畫堂北壁為詩曰述職無風政復路阻山河還思麾蓋日留謝此山河阿

菖蒲酒

原千金方七月七日取菖蒲為末酒服方寸匕飲酒不醉好事者服而驗之久服聰明忌鐵器

初置七夕

增物原楚懷王初置七夕

摩睺羅

增乾淳歲時記七夕節物多尚果食為雞及泥孩兒號摩睺羅有極精巧飾以金珠者其直不

貲又七夕前修內司例用摩睺羅十卓每卓三十枚大者至高三尺或用象牙雕鏤或用龍涎拂手香製造悉

用鏤金珠翠衣帽金錢釵鈿佩環真珠頭鬚及手中所執戲具皆七寶為之各護以五色鏤金紗厨制閭貴臣及京府等處至有鑄金為貢者宮姬市娃冠花衣領皆以乞巧時物為飾焉原東京夢華錄七夕皆賣磨喝藥乃小塑土偶耳悉以雕木彩裝欄座又用紅紗碧籠或飾以金珠牙翠有一對直數千者註磨喝樂本佛經摩睺羅今通俗而書之

水上浮

原東京夢華錄七夕以黃蠟鑄為鳧雁鴛鴦鵝鵝龜魚之類彩畫金縷謂之水上浮

穀板

原東京夢華錄七夕以小板上傅土旋種粟今生苗置小茅屋花木作田舍家小人物皆村落之態

謂之穀板

花瓜

原東京夢華錄七夕以瓜雕刻成花樣謂之花瓜

果食將軍

原東京夢華錄七夕以油麪糖蜜造為笑靨

類若買一觔數內有一對被介冑者如門神之象謂之果食將軍

種生

原東京夢華錄七夕以菡豆小豆小麥於磁器內以水浸之生芽數寸以紅藍采縷束之謂之種生

雙頭蓮

增東京夢華錄七夕前三五日車馬盈市羅綺滿街旋折未開荷花都人善假做雙頭蓮取玩

一時提携而歸路人往往嗟愛

文章伯降

增齊東野語宋慶之寓永嘉時適逢七夕學徒釀飲有僧法辨善五星每以八煞為說酒

邊一士致仙叩試事忽箕動大書文章伯降宋怪之漫云姑置此且求一七夕新詞即以八煞為韻意欲困之忽運箕如飛大書鵲橋仙一闋云鸞輿初駕牛車齊發隱隱鵲橋叩軋尤雲瑞雨正歡濃但只怕來朝初八霞

垂彩幔月明銀蠟馥郁香噴金鴨年  
此際一相逢未審是甚時結煞

鶴背仙人

增癸辛雜識楊續繼翁大卿倅湖日七夕夜其侍姬田氏及使令數人露坐至夜半忽見

一鶴西來繼而有鶴千百從之皆有仙人坐其背如畫圖所繪者綵霞綯絜數刻乃沒時楊卿已寢姬急報起而視之尚見雲氣紛郁之狀

治疣

增外臺秘要七月七日以大豆拭疣上三過使本人種豆於南向屋東頭第二溜中豆生葉以熱湯

沃殺即愈

蒺藜子

原外臺秘要蛇蟲心痛吐清水七月七日採蒺藜子陰乾方寸七日三服又三十年失明補肝

散用蒺藜子七月七日收陰乾搗散食後水服方寸七日二服

錦江夜市

增歲華紀麗譜七月七日晚宴大慈寺設廳暮登寺門樓觀錦江夜市乞巧之物皆備焉

乾明節

增玉海七月七日  
宋太宗乾明節

祭東劍

增潛居錄漢武帝七夕幸開襟樓忽見殿北方絳雲縹緲有美女騎一物翮蹏而下即以所騎

物上帝曰此祭東之劍羣仙寶之能辟諸邪妄乘之而來頃刻百里矣

渡河吉慶花

增瑯嬛記薛瑤英於七月七日令諸婢共剪輕絳作連理花千餘朵以陽起石染之

當午散於庭中隨風而上徧空中如五色雲霞久之方沒謂之渡河吉慶花藉以乞巧

青苗會

增中吳紀聞崑山縣東地名黃姑父老相傳嘗有織女牽牛星降於此地織女以金篦劃河水

河水湧溢牽牛因不得渡今廟西有水名百沸河鄉人異之為之立祠祈禱甚靈每至七夕人皆合錢為青苗

會以祈穀焉

化生

原歲時紀事七夕俗以蠟作嬰兒形浮水中以為戲為婦人宜子之祥謂之化生增元稹詩翠鳳輿

真女紅蕖捧化生薛能吳娃詞芙蓉殿上中元日水拍銀盤弄化生

吞赤豆

增韋氏月錄七月七日取小赤豆男吞一七女吞二七令人畢歲無病

烏雞藥

原韋氏月錄合烏雞藥是七月七日取烏雞血和三月三日桃花末塗面及遍身三二日肌白

玉如

拜銀河

增北京歲華記七夕宮中最重市上賣巧果人家設宴宛女對銀河拜

角蒿辟蠹

原居家宜忌七月七日取角蒿置纏褥書籍中可以辟蠹

五生盆

增宋聚詩曉涼門巷柳陰蟬九陌晴泥着錦鶻到處簾櫳盡相似巧棚人靜五生薦註七夕前

數日種麥於小瓦器為牽牛星之神謂五生盆

骨鯁方

增筆峯雜興咽喉骨鯁七月七日取絲瓜根陰乾燒存性每服二錢以原鯁物煮湯服之

治健忘

原本草綱目麻黃一名麻勃麻花上勃勃者七月七日采之按范汪方有治健忘方七月七日

收麻勃一升人參二兩為末蒸令氣通每臨卧服一刀圭能盡知四方之事家塾事親七日取蜘蛛一枚着領

中令人不忘

療目暗

原本草綱目眼目昏暗七月七日取苦瓠白瓢絞汁一合以酢二升古錢七文同以微火煎減

半每日取沫納皆中神效

欠已日事

御定月令輯要

三



太姥山

增名勝志太姥山去福寧州東百里而遙高十餘里週遭四十里舊名才山力牧錄云黃帝時

容成先生嘗棲其下石枰石鼎石臼尚存堯時有老母居之業種藍家於路傍往來者周給不吝嘗有道士求漿母飲以醪道士因授九轉丹砂之法服之七月七日乘九色龍馬上昇里人神之名其山為太母漢武帝命東方朔授天下名山文改母為姥

仙女泉

增名勝志鐵船山在融縣西三十里有仙女泉以七月七夕嘗有仙女浴於泉側

灘哥石硯

增名勝志番禺縣光孝寺有古硯刻云大唐神龍改元七月七日天竺僧般刺蜜帝至寺

僧出此硯視之乃灘哥石也

造酒膾

原遵生八牋七夕乞巧造明星酒同心膾

慎火花

原遵生八牋七月七日採慎火花苗葉五兩鹽三兩同搗絞汁治熱毒并小兒痘疹不出在皮

膚內者以此汁手蘸摩之日再即出丹瘡亦如此法

御製七夕詩爽氣三秋早仙期此夕經鍼樓連萬戶機石

動雙星玉露交珠綴金風度綺軒天文在雲漢流影照彤庭

御製七夕觀千葉蓮詩玉露初分水殿涼滿池紅白雜芬芳香飄隨座皆秋色細月朧朧掛未央

謝朓七夕賦

增金祗司矩火曜方流素鍾登御夷律鳴秋朱光既夕涼雲始浮盈多露之藹藹升

明月之悠悠步廣庭而延睎屬天媛之淹留嗟斯靈之  
淑景招好仇於服箱厭白玉以為飾霏丹霞而為裳迴  
龍駕之容裔亂鳳管之淒鏘軾帝車而捐玦凌天津而  
上翔悵漢渚之夕漲欣河廣之既梁臨瑤席而宴語綿  
含睇而蛾揚嗟蘭夜之難永泣會促而怨長忌織阿之  
方駕各長庚之末光撫鳴琴而修恍浩安歌而自傷歌  
曰清絃愴兮桂觴酬雲幄靜兮香風浮  
龍鑣蹀兮玉鑾整睠星河兮不可留

庾肩吾七夕詩

增玉匣卷懸衣鉞樓開夜扉嫦娥隨月  
落織女逐星移離前怨促夜別後對空

機倩語雕陵鵲  
填河未可飛

何遜七夕詩

增仙車駐七襄鳳駕出天潢月映九微火  
風吹百和香來歡暫巧笑還淚已啼粧別

離未得語河  
漢漸湯湯

庚信七夕賦

增兔月先上羊燈次安觀斗星之曜景視織女之開干於是秦娥麗妾趙艷佳人窈

窕名燕逶迤姓秦嫌朝妝之半故憐晚節之全新此時併捨房櫳共往庭中縷條繁而貫矩針鼻細而穿空

張文恭七夕詩

增鳳律驚秋氣龍梭靜夜機星橋百枝動雲路七香飛映月回雕扇菱霞曳綺

衣含情向華幄流態入重闌歡餘夕漏盡怨結曉驂歸誰念分河漢還憶兩心違

杜審言七夕詩

增白露含明月青雲斷絳河天街七襄轉閣道二神過袪服鏘環珮香筵拂綺

羅年年今夜盡機杼別情多

崔顥七夕詩

增長安城中月如練家家此夜持鍼線仙裙玉佩空自知天上人間不相見長信深

陰夜轉幽瑤階金閣數螢流班姬此夕愁無限河漢三更看斗牛

白居易七夕詩

增烟霄微月落長空銀漢秋期萬古同  
幾許歡情與離恨年年并在此宵中

李賀七夕詩

增別浦今朝暗羅帷午夜愁鵲辭穿線月  
花入曝衣樓天上分金鏡人間望玉鉤錢

唐蘇小小更  
值一年秋

李商隱辛未七夕詩

增恐是仙家好別離故教迢遞作  
佳期由來碧落銀河畔可要金風

玉露時清漏漸移相望久微雲未接過來  
遲豈能無意酬烏鵲惟與蜘蛛乞巧絲

溫庭筠七夕詩

增鳴機札札停金梭芙蓉淡蕩秋水波  
夜軒紅粉陳香羅風低蟬薄愁雙蛾微

光奕奕凌曙河鸞咽鶴唳飄颻歌彎橋銷盡奈愁何天  
風駘蕩雲陂陟平明花木有愁意露濕綵盤蛛網多

張耒七夕歌

增人間一葉梧桐飄蓐收行秋回斗杓神  
官召集役靈鵲直渡銀河雲作橋河東美

人天帝子機杼年年勞玉指織成雲霧紫真衣辛苦無  
歡容不理帝憐獨居無與娛河西嫁與牽牛夫自從嫁  
後廢織紵綠鬢雲鬟朝夕梳貪歡不歸天帝怒謫歸却  
踏來時路但令一歲一相逢七月七日河邊渡別長會  
少知奈何却悔從前歡不多忽忽萬事說不盡燭龍已  
駕隨羲和河邊靈官曉催發令嚴不管輕離別空將淚  
眼濕帝車淚痕有盡愁無歇我言織女君勿歎天地無  
窮會相見猶勝嫦娥不嫁人夜夜孤眠廣寒殿

# 初八日

## 洗車雨

增歲時雜記七月八日雨曰洗車杜牧七夕詩  
雲階月地一相過未抵經年別恨多最恨明朝

洗車雨不教  
回脚渡天河

## 賦七夕詩

增宋史王居安傳劉孝韙七月八日過其家  
塾見居安異凡兒使賦七夕詩援筆成之有

思致孝謹驚拊其背曰  
子異日名位必過我

金梭增誠齋雜記蔡州丁氏女精於女紅每七夕禱以酒果忽見流星墜筵中明日瓜上有金梭自是巧

思益  
進

初九日

徙鎮彭門增宋史侯益傳天福四年晉祖追念虎牢之功遷武寧軍節度同平章事遣中使謂益曰

朕思卿前年七月九日大立戰功故復以此月此日徙卿鎮彭門領相印仍賜門戟改鄉里為將軍鄉勲賢里

樂名大安增玉海皇祐三年七月九日丁巳翰林承旨王堯臣言按太常天地宗廟四時祠祀樂曲

凡八十九曲自景安而下七十五章率以安名曲豈特  
本道德政教嘉靖之美亦緣神祇祖考安樂之故上議

國朝樂宜  
名曰大安

解語盃

增輟耕錄至正庚子秋七月九日飲松江泗濱  
夏氏清樾堂上酒半折正開荷花置小金卮於

其中命歌姬捧以行酒客就姬取花左手執枝右手分  
開花瓣以口就飲其風致又過碧簫遠甚因名為解語  
盃

祀龍潭

增鶴慶府志勝西龍潭在府西七里源出覆釜  
山有龍潛焉東溉諸村屯歲以七月九日太守

率吏民  
祀潭神

初十日

鑄開元通寶

增舊唐書食貨志武德四年七月十日丁  
卯鑄開元通寶徑八分重二銖四參十錢



重一兩得輕重大小之中  
其文以八分隸篆三體

十一日

周伏興夢

增魏書靈徵志孝昌二年揚州刺史李憲表云門下督周伏興以去年七月患假還家至

十一日夜夢渡肥水行至草堂寺南遙見七人一人乘馬著朱衣籠冠六人從後興路左而立至便再拜問興何人興對曰李公門下督暫使破石其人語興君可回我是孝文皇帝中書舍人遣語李憲勿憂賊堰此月破矣興寤遂還城具言夢狀七月二十七日堰破

圖寫凌烟閣功臣

增唐會要大中二年七月十一日史館奏續選堪上凌烟閣功臣除所有

舊真形并有子孫在中外任官令寫進外三十七人勅旨令御史臺牒諸州尋訪子孫圖寫真形以進

觀內苑穀

增宋史禮志咸平四年七月十一日詔近臣寇準馮拯觀內苑穀遂宴於玉宸殿

服符丸

增太平廣記謝自然入金泉道場七月十一日上仙杜使降石壇上以符一道丸如藥丸使自

然服之十五日可焚香五壚於壇上五壚於室中至時真人來

仰製暢春園觀稻時七月十一日也七月紫芒五里香近

園遺種祝禎祥災方塞北皆稱瑞稼稽天工樂歲穰

十二日

溪流聖柰

增洽聞記河州鳳林關有靈巖寺每七月十二日溪流出聖柰大如盞以為常

李商隱和韋潘七月十二日夜泊池州城下先寄上李

使君詩

增桂舍爽氣三秋首莫吐中旬二葉新  
正是澄江如練處元暉應喜見詩人

十三日

墜石流泉

增錄異記壬子歲七月十三日青城鬼城山  
因滯雨崖崩暴水大至在丈人觀後高百餘

丈殿當其下將憂摧壞俄有墜石如岸堰水向東竟免  
漂陷觀中常汲溪水以供日食甚以為勞自此暴水出  
處常有流泉直注廚內  
其味甘香冬夏不絕

雷鳴水湧

增歸化縣志隆慶六年七月十三日有牧兒  
忽聞地下如雷鳴驚視之則田中水湧高丈

許急歸呼其主往視之已成深潭惟有  
金鯉游泳其中遂為一方灌溉之利

十四日

御畫御馬

增圖畫見間志仁宗皇帝御畫御馬一疋其毛赭白玉銜勒上有宸翰題云慶歷四年七

月十四日御畫兼有押字印寶

寇萊公生

原臨漢詩話寇萊公七月十四日生魏野詩云何時生上相明日是中元

洗手花

增東京夢華錄中元前一賣雞冠花謂之洗手花

迎節

增遼史禮志七月十三日夜天子於宮西三十里卓帳宿焉前期備酒饌翼日諸軍部落從者皆動

蕃樂飲宴至暮乃歸行宮謂之迎節

紫虛元君

增雲笈七籤薛氏者河中少尹馮徽之妻也適馮徽二十年乃言素志托疾獨處焚香念

道持黃庭經咸通十五年甲午七月十四日紫虛元君與侍女羣真二十七人降於其室

陸游七月十四日詩

增不復微雲滓太清浩然風露欲三更開簾一寄平生快萬頃空江

着月明

十五日

佛寄生

增謝承後漢書佛以癸丑七月十五日寄生於淨住國摩耶夫人腹中至周莊王十年甲寅四

月八日生

孟蘭盆

原荆楚歲時記七月十五日僧尼道俗悉營盆供諸佛註按孟蘭盆經云目連見其亡母在餓

鬼中即鉢盛飯往餉其母食未入口化成火炭遂不得食目連大叫馳還白佛佛言汝母罪重非汝一人奈何當須十方衆僧威神之力至七月十五日當為七代父母厄難中者具百味五果以著盆中供養十方大德佛

勅衆僧皆為施主祝願七代父母行禪定意然後受食  
是日目連母得脫一切餓鬼之苦目連白佛未來世佛  
弟子行孝順者亦應奉孟蘭盆供養佛言大善故後人  
因此廣為華飾乃至刻木割竹飴蠟剪綵模花葉之形  
極工妙之巧唐書王綰傳代宗時七月望日宮中造孟  
蘭盆綴飾鏤珎設高祖以下七聖位幡節衣冠皆具各  
以帝號識其幟自禁內分詣道佛祠饒吹鼓舞奔走相  
屬是日立仗百官班光順門奉迎導從歲以為常增老  
學菴筆記故都殘暑不過七月中旬俗以望日具素饌  
享先織竹作盆盎狀貯紙錢承以一竹焚之視盆倒所  
向以占氣候謂向北則冬寒向南則冬溫向東西則寒  
溫得中謂之孟蘭盆蓋俚俗老嫗輩之言也又每云孟  
蘭盆倒則寒來矣晏元獻詩云紅白薇英落朱黃槿豔  
殘家人愁溽暑計日望孟蘭蓋亦戲述俗語耳乾淳歲  
時記七月十五日道家謂之中元節各有齋醮等會僧  
寺則於此日作孟蘭盆齋而人家亦以此日祀先例用

新米新醬冥衣時果綵段麪棊而茹素者幾十八九屠  
門為之罷市馬東京夢華錄中元節以竹竿斫成三脚  
高三五尺上織燈窩之狀謂之盂蘭盆挂搭衣服冥錢在  
上焚之北京歲華記中元節前上冢如清明各寺設盂  
蘭會以長椿寺為盛楊炯孟蘭盆賦渾元告秋羲和奏  
曉太陰望兮圓魄皎闇闔開兮涼風嫋四海澄兮百川  
鼎陰陽肅兮天地官掃離宮清重閣設皇邸張翠幕鸞  
飛鳳翔燄陽倏燦雲舒霞布翕赫習霍陳法供飾盂蘭  
壯神功之妙物何造化之多端青蓮吐而非夏蘋果搖  
而不寒銅鐵鉛錫瑤琳琅玕映以甘泉之玉樹冠以承  
露之金盤憲章三極儀形萬類上寥廓兮法天下安貞  
兮象地殫怪力窮神異少君王子掣曳兮若來玉女瑤  
姬翩僊兮必至鳴鸛鸛與鷺鷥舞鸛鸛離妻明目不足  
兮赫然狂象奔兮沉醉怖魍魎潛魍魎離妻明目不足  
見其精微匠石洗心不足徵其奧秘續續紛紛氤氲  
氤五色成文若榮光休氣發彩於重雲積積燦燦煥煥

爛爛三光啟旦若合璧連珠耿曜於長漢夫其遠也天台巖起繞之以赤霞夫其近也削成孤峙覆之以蓮花晃兮瑤臺之帝室絕兮金闕之仙家其高也出諸天於大梵其廣也遍法界於恒沙上可以薦元符於七廟下可以納羣動於三車

種蜀芥雲臺

增齊民要術蜀芥雲臺取葉者皆七月半種地欲糞熟蜀芥一畝用子一升雲臺一

畝用子四升種法與蕪菁同

章敬寺賦詩

增唐會要貞元七年七月癸酉中元日幸章敬寺賦詩皇太子進和兼題於壁

百寮畢和後京尹薛珏請以上詩序皇太子書刻於石而填以金從之唐德宗七月十五日題章敬寺詩招提迺皇邑複道連重城法筵會早秋駕言訪禪扃嘗聞大仙教清淨宗無生七物匪吾寶萬行先求成名相既雙



寂繁華奚所榮金風扇微涼遠烟凝翠晶松院靜苔色  
竹房深磬聲境幽真慮恬道勝外物輕意適本非說含  
毫空復情

步輦召學士

原開天遺事明皇在便殿甚思姚元崇論  
時務七月十五日苦雨不止泥濘盈尺上

令侍御者擡步輦召學士來時  
元崇為翰林學士中外榮之

解夏

原歲華紀麗註七月十五日僧尼坐草為一歲云  
四月八日結夏至七月十五日解衆僧長養之節

在外恐傷草木蟲類故九十日安居又經云四月八  
日坐樹下至七月十五日為一歲故曰衆僧解夏

觀燈賜宴

增宋史禮志太平興國二年七月中  
元節御東角樓觀燈賜從官宴飲

紫極宮道場

增太平廣記謝自然金泉林中七月十五  
日五更有青衣七人內一人稱中華云食

時上真至良久盧使至須臾金母降於庭自然拜禮母曰別汝兩劫矣自然坐初盧使侍立久亦令坐盧云暫詣紫極宮看中元道場逡巡來云此一時全勝以前問其故曰此度不燒乳頭香乳頭香天真惡之唯可燒和耳香

鮑姑艾

增太平廣記貞元中有崔煒者尚豪俠時中元日番禹人多陳設珍異集百戲於開元寺煒見

乞食老嫗蹶而覆人酒甕當壚者毆之煒脫衣為償其直嫗曰吾善灸贅疣今有越井岡艾少許奉子每遇贅疣只一炷耳煒受之嫗條不見有任翁者有斯疾煒因出艾一藝而愈任曰謝君子痊我所苦有錢十萬奉子幸從容勿去煒因留彼煒善絲竹聞堂前彈琴聲詰家童對曰主人之愛女也因請其琴彈之女潛聽而有意焉夜將半女於窓隙間告煒曰吾家事鬼今夜當殺汝而祭之汝可遁去煒驚悸斷窓櫺而走迷道失足墜枯

井中及曉視之乃一巨穴深百餘丈中有一白蛇燁叩祝之地遂蜿蜒將有所適燁跨蛇而去於洞中行數十里觸一石門莫測是何洞府須臾有四女命酌醴傳觴燁叩首求歸女曰羊城使者當來可以隨往遂有一白羊冉冉自空而下背有一丈夫女酌醴飲使者曰崔子欲歸番禺願為挈往使者唱喏女謂燁曰中元日須具美酒豐饌於廣州蒲澗寺靜室我輩當送夫人往燁再拜告去女曰知有鮑姑父可留少許燁但留艾不知鮑姑何人也瞬息出穴履於平地俄聞蒲澗寺鐘聲抵寺遂歸廣州及中元日遂設豐潔香饌留蒲澗寺僧室夜將半果四女子伴夫人至將曉告去崔子遂與夫人歸問曰昔四女云鮑姑何人也曰鮑靚女葛洪妻也多行灸於南海燁方歎駭昔日之嫗耳後乃挈室往羅浮訪鮑姑竟不知所適

目連經

增東京夢華錄中元節印賣尊勝目連經構肆樂人自過七夕便般目連經救母雜劇直至十

五日止觀者增倍

告秋成

原東京夢華錄中元前一日即賣練葉享祀時鋪觀卓面又賣麻穀窠鬼亦是繫在卓子脚上

乃告祖先秋成之意

十五日供養祖先素食繞明即賣糴米飯巡門叫賣亦告成意也

廣聖節

增錄異記蜀乾德元年七月十五日庚辰降誕廣聖節棚口鎮將王彥徽於羅真人宮內得白

龜以進

孟蘭餅餚

增食譜張手美家中元孟蘭餅餚

大宴

增遼史禮志十五日中元動漢樂大宴

放河燈

增帝京景物畧十五日諸寺建孟蘭盆會夜於水次放燈曰放河燈水關最勝其次泡子河西

湖志餘七月十五日俗傳地官赦罪之辰人家多持齋誦經薦奠祖考僧家建盂蘭盆會放燈河中謂之照冥

水嬉

增帝京景物畧中元夜酒人水嬉縛烟火作鳬鴈龜魚水火激射至菱花焦葉

玉篆牌

增金華志金華山有仙洞俗呼為劉先生隱身處其內有三十六室廣三十六里石刻上以松

炬照之云劉嚴字仲卿漢室射聲校尉當恭顯之際極諫被貶於東陬隱迹於此莫知所終即道士蕭志元所記也山口人時得玉篆牌俗傳仲卿每至中元日來降洞中州人祈福尋溪口邊若得此者當巨富

元都大獻

原道經七月十五日中午元日地官校勾搜選人間分別善惡諸天聖衆普詣宮中簡定劫

數人鬼傳錄餓鬼囚徒一時皆集以其日作元都大獻於玉京山採諸花果珍奇異物幢幡寶蓋清膳飲食獻諸聖衆道士於其日夜講誦是經十方大聖齊詠靈篇囚徒餓鬼俱飽滿免於衆苦得還人中

集福世界

原道藏經七月十五日乃太上老君同元始天尊會集福世界

青城山封醮

增雲笈七籤僖宗皇帝中和元年辛丑七月十五日詔內臣元易簡刺史王茲縣令

崔正規與朕詣青城山修醮封為五岳丈人希夷真君是時縣界亢旱苗穀將焦封醮之後龍吟於觀側溪中風雨大至枯苗再茂縣境乃豐

仰製中元日蕉園作中元來太液新爽下林端水檻臨流

日風窻捲幔看魚遊迷藻荇鷗戲悅沙灘宇宙無塵翳

涼生月一團

盧拱中元日觀法事詩

增四孟逢秋序三元得氣中雲迎碧落步章奏玉皇宮壇滴黃

花露香飄栢子風羽衣凌縹緲瑤轡輾虛空久慕餐霞客常悲習蓼蟲青囊如可授從此訪鴻蒙

李商隱中元作

增絳節飄飄空國來中元朝拜上清迴羊權雖得金條脫溫嶠終虛玉鏡臺曾

省驚眠聞雨過不知迷路為花開有  
城未抵瀛洲遠青雀如何鴛鳥媒

范仲淹中元夜百花洲作

增南陽太守清狂發未到中秋先賞月百花洲裏夜忘歸

綠梧無聲露光滑天學碧海吐明珠寒輝射室星斗踈  
西樓下看人問世瑩然都在青玉壺從來酷暑不可避  
今夕涼生豈天意一笛吹銷萬里雲主人高歌  
客大醉客醉起舞逐我歌弗歌弗舞如老何

朱子中元雨中呈子晉詩

增徂暑尚繁鬱大火空西流  
茲辰喜佳節涼雨忽驚秋晚

晚蘭徑滋蕭蕭前庭樹幽炎氣一以去  
隨事屏塵囂與心休端居諷道言焚香味真諷子亦玩

文史及此  
同優游

十六日

洗鉢雨

增紀歷撮要七月十六雨名洗鉢雨

進瑞粟

增唐會要大中二年七月十六日福建觀察使殷嚴進瑞粟十一莖莖有五穗

小名雨師

增南唐書李景達生於吳順義四年是歲大旱烈祖方輔政極於焦勞七月既望雩而得

雨景達以是日生烈祖喜故小名雨師

遊赤壁

增蘇軾前赤壁賦壬戌之秋七月既望蘇子與客泛舟遊於赤壁之下清風徐來水波不興舉

酒屬客誦明月之詩歌窈窕之章少焉月出於東山之上徘徊於牛斗之間白露橫江水光接天縱一簫之所

欽定四庫全書

御定月令輯要

三六



如凌萬頃之茫然浩浩乎如馮虛御風而不  
知其所以止飄飄乎如遺世獨立羽化而登仙

送節

增遼史禮志十六日昧爽復往西方  
隨行諸軍部落大譟三謂之送節

佛足碑

增清涼山志中臺靈跡曰佛足碑在大塔左側  
萬曆壬午秋少林嗣祖沙門威縣明成德州如

意一夕一夢蓮花一夢月輪現於塔際既覺各言所夢  
異之及曉少室僧正道持佛足圖貽之及展見是雙輪

印相喜曰此夢禎也遂傾囊募衆立石時孟秋既望  
也是夕衆聞空中珠佩雜樂之聲出戶視之神燈點點

謝靈運七月十六日之郡初發都詩

增棹變金素秋岸澄  
迷職期闌暑理

夕陰火是  
團朝露

范成大七月十六日石湖路中書事詩

增白葛烏紗稱  
老農溪南溪北

水車風稻頭的樂黏朝  
露步入明珠翠網中

迺賢七月十六夜看月詩

增征人七月度榆關貂鼠裁衣尚怯寒不信江南今夜月

有人揮扇  
着冰紈

十七日

百官公卿表

增玉海紹興二十九年七月十七日戊戌史院言知成都雙流縣李燾有續皇朝百

官公卿表一百十二  
卷乞給札抄錄從之

十八日

散孟蘭盆

增歲華紀麗譜七月十八日大慈寺散孟蘭盆宴於寺之設廳宴已就華嚴閣下散

獻天馬

增周伯琦天馬行序至正二年七月十有八日西域拂郎國遣使獻馬一疋高八尺三寸修如

其數而加半色漆黑後二蹄白曲項昂首神俊超逸上御慈仁殿臨觀敕翰林學士承旨巉巉命工畫者圖之直學士揭傒斯贊之蓋自有國以來未嘗見也殆古所稱天馬者耶

龍騰馬廄

增西湖志餘嘉靖三十一年七月十八日大風雨清湖橋胡氏家有異物起馬廄中開片

瓦騰空而上火光燭天覓馬廄中有坎廣尺許深二丈餘泉水清瑩蓋龍潭也

十九日

瑞聖園觀稼

增玉海祥符八年七月十九日幸瑞聖園觀稼作觀稼五言詩

賢劫千佛生

原佛書七月十九力吉祥國聖母化生賢劫千佛之日

二十日

宣澤亭

增華山志宣澤亭宋真宗拜嶽壇在太華驛之側大中祥符四年七月二十日真宗拜嶽之所

也賜名為宣澤亭有御製碑龍首龍座在焉

東華龍見

增名勝志明隆慶五年有雙龍見於莆田縣東華山僉事余一鵬記云隆慶辛未七月二

十日當午雙龍出自連江里海中初黑霧彌漫疎雨甚大色黃氣腥有頃雨止龍擁水高丈餘濶數丈長乃亘野聲若烈爆炸勢若折潮

蔡襄七月二十日食荔枝詩

增絳衣仙子過中元別葉空枝去不還

二十一日

皇祐方域圖志

增王海皇祐三年七月二十一日己巳知制誥王洙直集賢院掌禹錫上新修

地理圖五十卷 增王海政和六年七月二十一日  
卷詔賜名皇祐方域圖志

御書大成殿榜

增王海政和六年七月二十一日御書大成殿榜刻石首善閣下

二十二日

魚於溫洛

增韓愈洛北東林寺題名韓愈李景興侯喜尉遲汾貞元十七年七月二十二日魚於溫

洛宿此而歸

客星見

增宋會要至和元年七月二十二日楊維德言客星見微有光米黃色按黃帝掌握占云客星

來犯畢明盛者主國有大賢詔送史館

觀瑞蓮

增玉海皇祐五年七月二十二日己未召近臣觀後苑瑞蓮

二十三日

北郊觀稼

增玉海乾德二年七月二十三日己未幸北郊觀稼

製手輦

增玉海隆興元年七月二十三日製手輦及條衣褥郊祀禮畢用之

二十四日

中元紅

增荔枝譜中元紅荔枝將絕熟以晚重於時予常七月二十四日得之

禱礮溪

增蘇軾集七月二十四日晚自號縣渡渭宿於僧是日宿號縣二十五日晚自號縣渡渭宿於僧

舍見壁有前縣令趙苻留名有懷其人詩龕燈明滅欲三更歌枕無人夢自驚深谷留風終夜響亂山銜月半

牀明故人漸遠無消息古寺空來有姓名  
欲向磻溪問姜叟僕夫屢報斗杓傾

上御集

增玉海開禧元年七月二十四日  
實錄院上高宗御集一百卷

孩童會

增蘭谿縣志舊傳七月二十四日為嘉應侯小  
張元帥生日先期廟祝散紙號令人鳴鑼三日

至期童男女往廟銷號或  
父兄率之名曰孩童會

二十五日

槃瓠祠廟

增武陵志武漢山有槃瓠石窟蠻俗相傳曰  
槃瓠每歲七月二十五日種類四集於廟扶

老携幼環宿其旁凡五日祠  
以牛彘酒酢椎歌歡飲即還

蒲澗遊

增名勝志番禺縣蒲澗去玉虹洞五里澗中產  
菖蒲一寸九節南越志云宋咸平中姚成甫於

澗側遇一丈夫曰此菖蒲安期生所餌可以忘老倏然而逝今俗以七月二十五日安期生上昇相率為蒲澗之遊履綦駢錯

## 二十六日

索靖帖

增東觀餘論索靖七月二十六日帖本七紙晉王廙每寶玩之值永嘉亂乃四疊綴衣中以渡

江唐蒲州桑泉令豆盧罷得之疊迹猶存今所錄惟一紙耳

紫微夫人七月二十六日作示許長史

增高興希林虛遐遊無員方蕭

條象數外有無自冥同疊疊德韻和飄飄步太空盤桓任波浪振鈴散風中內映七道觀可以得兼忘何必反覆酬待此世文通元心自冥悟嘿耳必高蹤



右英夫人七月二十六日作

增絳闕排廣霄披丹登景  
房紫旗振雲霞羽晨舞八

風停蓋濯碧谿採秀月支峰咀嚼三靈華吐吸九神芒  
椿數無絕紀協日積童蒙携袂明真館仰期無上皇北  
鈞唱羽人玉元漿賢衆云何波浪字得失為我鍾引領  
翳庭內開心擬穢衝習適榮辱域罕躡希林宮一靜安  
足苦試去  
視滄浪

二十七日

試武舉

增玉海熙寧八年七月二十七日詔先試孫吳  
六韜大義十道為兩場時務邊防策一道馬軍

司試  
弓馬

二十八日

永壽節

增玉海七月二十八日周太祖永壽節

淳熙御書

增玉海淳熙六年七月二十八日御書明堂明堂之門六字并嗣天子臣御名恭書六字

今修內司製碑禮成上曰積雨驟霽星月粲然殊可喜

李商隱七月二十八日夜與王鄭二秀才聽雨夢後作

增初夢龍宮寶饒然瑞霞明麗滿晴天旋成醉倚蓬萊樹有箇仙人拍我肩少頃遠聞吹細管聞聲不見隔飛烟逡巡又過瀟湘雨雨打湘靈五十絃瞥見馮夷殊悵望蛟綃休買海為田亦逢毛女無慘極龍伯擎將華嶽蓮恍惚無倪明又暗低迷不已斷還連覺來正是平階雨獨背寒燈枕手眠

右英夫人七月二十八日詩示許長史

增世珍芬馥交道宗元霄會振

衣尋真疇迴軒風塵際良德映靈暉穎拔衆華蔚密言  
多饋福冲靜尚真貴恒當二象順携手同襟帶何為人  
事閒日焉  
生患害

二十九日

後苑觀粟

增宋史禮志景德六年七月二十九日詔輔  
臣觀粟於後苑御山子觀御製文閣御書及

嘉禾圖  
賜飲

興慶宮

增王海興慶宮本明皇舊第也開元二年七月  
宋王成器請獻興慶坊宅為離宮二十九年甲

寅制許之故  
作興慶宮

登雲谷

增朱子大全集淳熙戊戌七月二十九日與子  
晦淳叟伯休同發屏山西登雲谷越夕乃至而

季通德功亦自山北來會賦詩紀事詩端筴得幽貞考  
槃寄茲嶺未成長往計抱恨終耿耿秋風吹庭樹遙夜  
枕席冷感彼歲序移慨此心事永明晨發孤興趣駕向  
絕境躋攀力雖倦想象意逾騁雲山一以眺俯仰疑倒  
景檢校石田收眷戀茅屋靜淹留復未遂外物愧張邴  
珍重同來人妙語各清整擊節三歎餘超然得深省

### 三十日

鸚鵡鳥集

增晉書藝術傳韓友善占卜宣城太守殷祐有  
病友筮之曰七月晦日將有大鸚鵡鳥來集廳事

上宜勤伺取若獲者為善不獲將成禍祐乃謹為其備  
至日果有大鸚鵡垂尾九尺來集廳事上掩捕得之祐乃

遷石頭

都督

地藏佛誕

增北京歲華記晦日地藏佛誕供香燭於地  
積水湖池子湖各有水燈原藏經七月三十

日地藏菩  
薩生辰

政典

總章左个

原禮天子居總章左个註大寢西堂南偏

命將帥

原禮天子乃命將帥選士厲兵簡練桀俊專任有功以征不義詰誅暴慢以明好惡順彼遠方

註順猶服也

務搏執

原禮是月也命有司修法制繕囹圄具桎梏禁止姦慎罪邪務搏執註順秋氣政尚嚴

命理平獄

原禮命理瞻傷察創視折審斷決獄訟必端平戮有罪嚴斷刑註理治獄官也增尚書大

傳天子以秋決獄訟斷刑罰趣收斂以順天道以佐秋殺

登穀

原禮是月也農乃登穀  
天子嘗新先薦寢廟

備水潦

原禮命百官始收歛完隄防謹壅塞  
以備水潦修宮室坏墻垣補城郭

禁令

原禮是月也毋以封諸侯立大官毋以割地  
行大使出大幣集解以其違收歛之令也

艾草

增禮草艾則墨未發秋政則民弗敢草也疏草艾  
則墨者謂初秋草堪艾給炊爨之時則行小刑之

墨夏節雖盡人君未發行  
秋政則民不敢艾草也

祭神州

增周禮典瑞兩圭有邸以祀地註謂所祀於北  
郊神州之神疏案河圖括地象崑崙東南萬五

千里神州是也但三王之郊一用夏正未知神州用何  
月祭之或解郊用三陽之月神州既與郊相對宜用三

陰之月當  
七月祭之

次定回車全書

御定月令輯要

陳王業

原詩序七月陳王業也周公陳后稷先公風化之所由致王業之艱難也

官庫

原淮南子七月官庫註庫兵府也秋節整兵故官庫也

徵魯申公

增漢書武帝紀建元元年七月遣使者安車蒲輪東帛加璧徵魯申公

省衛士

增漢書武帝紀建元元年秋七月詔曰衛士轉置送迎二萬人其省萬人

罷苑馬

增漢書武帝紀建元元年秋七月罷苑馬以賜貧民註養馬之苑舊禁百姓不得芻牧采樵今

罷之

罷榷酤

增漢書昭帝紀始元六年詔有司問郡國所舉賢良文學民所疾苦議罷鹽鐵榷酤秋七月罷

官榷酤

嘗泰稷

增春秋繁露嘗者以七月嘗泰稷也

幸魯

增後漢書光武紀建武三十年秋七月丁酉幸魯國復濟陽縣是年徭役

舉冤獄

增後漢書和帝紀和帝永元六年秋七月京師旱丁巳幸洛陽寺錄囚徒舉冤獄未及還宮而

澍雨

盡地力

增後漢書安帝紀永初三年秋七月庚子詔長吏案行在所皆令種宿麥蔬食務盡地力其貧

者給種餉

營太廟

增晉書武帝紀泰始二年秋七月辛巳營太廟致荆山之木采華山之石鑄銅柱十二塗以黃

金鏤以百物綴以明珠

欽定四庫全書

御定月令輯要

四六



詢讜言

增晉書武帝紀泰始五年  
秋七月延羣公詢讜言

除養獸費

增晉書成帝紀咸和七年秋七月景辰  
詔諸養獸之屬損費者多一切除之

祀臯陶

原晉書禮志故事祀臯陶於廷尉寺新禮移祀  
於律署以同祭先聖於太學也故事祀以社日

新禮改以孟秋  
之月以應秋政

祭菱苳

增范汪祠制孟  
秋之祭菱苳

賜新粟

增宋書孝武紀大明五年七月丙辰詔曰雨水  
畏降街衢泛溢可遣使巡行窮弊之家賜以薪

粟

六銖錢

增陳書宣帝紀太建十一年  
七月辛卯初用大貨六銖錢

給版職杖帽

增北齊書文宣紀天保九年秋七月辛丑給京畿老人劉奴等九百四十三人版職

及杖帽  
各有差

迎太白

增隋書禮儀志孟秋迎太白侯太白夕見於西方先見三日大司馬建旗於陽武門外六軍士

馬俱介冑集旗下侍臣文武俱介冑奉迎皇帝警蹕以出如常儀而無鼓角皇帝就位行三獻之禮獻事訖燔燎賜昨而還

置壽星壇

增舊唐書明皇紀開元二十四年七月己巳初置壽星壇祭老人星及角亢等七宿

焚錦繡珠玉

增唐書明皇紀開元二年七月乙未焚錦繡珠玉於前殿戊戌禁采珠玉及為刻鏤

器玩珠繩帖絹  
服者廢織錦坊

獻細針

增唐書百官志中尚署令七月獻細針

賜錦綵

增唐實錄太和四年七月文宗於太液亭召翰林學士鄭覃已下對賜錦綵

起紫微殿

增建康實錄貞觀二十一年七月帝遊幸勅奉御王孝積於顯道門內起紫微殿十三間

文甃重基高敞宏壯帝見之甚悅

疏水治梁

增宋史河渠志大觀元年七月詔自京至八角鎮積水妨行旅轉運司選官疏導修治橋

梁母使病涉

選弩手

增宋史兵志紹聖三年七月詔選弩手兼習神臂弓

頒條法事類

增宋史刑法志淳熙勅令格式帝以其書散漫用法之際官不暇徧閱吏因得以容

茲令勅令所分門編類為一書名曰淳熙條法事類四年七月頒之

選人升擢

增玉海乾德二年七月詔吏部南曹以人才可副升擢者送中書門下引驗以聞上慮銓

衡止憑資歷英俊或沉於下僚故也四年七月癸酉令吏部南曹引驗選人可升擢者具名聞奏對見

置俸戶

增玉海乾德四年七月丁亥詔州縣復置俸戶

上長定格

增玉海開寶六年七月己未命參政盧多遜知制誥扈蒙張澹參詳長定格循資格取悠久

可用之文為長定格三卷總二百八十七事書成上之頒為永式自是銓選益有倫矣

幸含芳園

增玉海太平興國八年七月癸未幸含芳園習射

進功過冊

增玉海咸平三年七月命宰臣錄內外庶官歷任功過編冊以進其該恩復用者別編以

金史卷之八  
卷十四  
備觀

覽

建天貺殿

增玉海祥符元年七月乙酉詔泰山靈液亭北天書再降之地建殿以天貺為名

講讀經史

增玉海祥符三年七月壬寅詔南宮北宅大將軍已下各赴書院講讀經史諸院十歲已

上並入學受經學書  
委侍教勤心誘勸

立虎翼軍

增玉海祥符六年七月詔在京諸軍內選江淮習水卒於金明池試戰棹立為虎翼軍置

營於池側其江浙淮南諸軍並令准此選卒置營

錄勲臣後

增玉海紹興三年七月丁卯詔錄用六朝勲臣自曹彬至藍元振三百二十人子孫先是

徽猷閣侍制宋伯友入對言功臣子孫凋喪殆盡乞訪其後量才錄用故有是詔其後得趙普趙安仁范質錢

若水諸孫  
皆官之

置司寇叅軍

增燕翼貽謀錄開寶六年七月壬子詔州府並置司寇叅軍以新及第九經五經及

選人資序相當者充  
其後改為司理叅軍

夏稅初限

增金史食貨志中都西京北京上京遼東臨潢陝西地寒稼穡遲熟夏稅限以七月為初

薦時果

增遼史太宗紀秋七月戊子薦時果於太祖廟

調春料

增續文獻通考舊制歲虞河決有司常以孟秋豫調築塞之物稍芟薪柴榷榷竹石芟索十餘

萬謂之  
春料

置諫院

增名勝志諫院起明道元年七月辛卯陳執中為諫官以諫官無治所屢請置院乃以門下省

欽定四庫全書

御定月令輯要

為諫院而別創門下省於右掖門之西宋置諫院自此始

### 民用

烹葵菽

原詩七月烹葵及菽  
蔬葵菽當烹煮乃食

食瓜

原詩七月食瓜

采枸杞花

增淮南枕中記西河女子服枸杞法  
七月上申采花八月上酉治服之

收柏實

增四月月令  
七月收柏實

采瓜犀

增荆楚歲時記七月采瓜犀以  
為面脂本草圖經曰犀辦也

起溲

增東哲餅賦商風既厲大火西移鳥獸  
毳毛樹木疏枝有饌尚溫則起溲可施

木蘇

增名醫別錄木蘇生九真池澤七月  
采本草經云久服通神明輕身耐老

薇街

增名醫別錄薇街生漢中川澤及寬句  
邯鄲七月采莖葉陰乾久服輕身明目

取桃仁

增名醫別錄桃核  
仁七月采取陰乾

新雉木

增名醫別錄新雉木味苦香溫無  
毒可作沐藥七月采陰乾實如桃

摩田待種

增齊民要術凡愛田常以五月耕六  
月再耕七月勿耕謹摩平以待種

種蔓菁

增齊民要術蔓菁七月初種之一畝用子三升  
註從處暑至八月白露節皆得早者作菹晚者

作乾又種蕪菁法近市良田一頃七月初種之註六月  
種者根雖粗大葉復蟲食七月末種者葉雖膏潤根復

種細小七月月初  
根葉俱得

欽定四庫全書

御定月令輯要

辛



種齏

增齊民要術崔寔曰七月別種齏

種葱

增齊民要術收葱子必薄布陰乾勿令浥鬱其根種之地至七月耕數徧一畝用子四五升炒穀拌

和之雨樓重耕竅瓠下之以批契繼腰曳之七月納種又崔寔曰七月可種大小葱註夏葱曰小冬葱曰大

藏韭菁

增齊民要術崔寔曰七月藏韭菁

種苜蓿

增齊民要術種苜蓿地宜良熟七月種之畦種水澆一如韭法

作黃蒸

增齊民要術作黃蒸法七月中取生小麥細磨之以水漉而蒸之氣脯好熟便下之攤令冷布

置覆蓋成就一如麥麴法

坑藍

增齊民要術七月中作坑令受百許東作麥穉泥之令深五寸以苫蔽四壁刈藍倒豎於坑中下

水以木石鎮壓令沒熱時一宿冷時再宿漉去荻內汁  
於甕中率十石甕著石灰一斗五升急拌之一食頃止  
澄清瀉去水別作小坑貯藍澱著坑中  
候如強粥還出甕中盛之藍澱成矣

### 造神麴

增齊民要術凡作三斛麥麴法蒸炒生各一斛  
磨乾合和之七月取甲寅日使童子著青衣日

未出時面向殺地汲水二十斛勿令人潑人長水亦可  
瀉却莫令人用其和麴之時面向殺地和之令使絕強  
團麴之人皆是童子小兒亦面向殺地當日使訖不得  
隔宿又神麴法以七月上寅日造不得令雞狗見麥分  
三分細磨和之溲時熟揉使童男小兒餅之須西廂東  
向開戶屋中淨掃地地上布麴十字立巷令通人行四  
角各造麴奴一枚訖泥戶勿令泄氣又方以七月中旬旬  
以前作麴為上時亦不必須寅日祝麴文某年月日敬  
啟五方五土之神謹以七月上辰造作麥麴數千百餅  
阡陌縱橫以辨疆界須建立五王各布封境酒脯之薦

以相祈請願垂神力勤鑒所願使出類絕蹤穴蟲潛影  
衣色錦布或蔚或炳殺熱火煩以烈以猛芳越椒熏味  
超和鼎飲利君子既醉既逞惠彼小人亦恭亦靜敬告  
再三格言斯整神之聽之福應自冥人願無為希從畢  
永急急  
如律令

取松實

增聖惠方七月取松實過時即落難收也去皮  
搗如膏收之每服雞子大酒調下日三服百日

身輕三百日行五百里絕穀久服神仙  
渴即飲水亦可以鍊過松脂同服之

鵝黃豆生

增山家清供溫陵人前中元數日以水浸黑  
豆暴之及芽以糠皮置盆內鋪沙植豆用板

壓及長則覆以桶曉則曬之中元則陳於祖宗之前越  
三日出之洗焯漬以油鹽苦酒香料可為茹卷以麻餅

尤佳色淺黃  
名鵝黃豆生

韭花

增楊凝式帖當一葉報秋之初實韭花逞味之始助其肥腴實謂珍羞

蒲陰實

增吳氏本草蒲陰實生平谷或園中延蔓如瓜葉實如桃七月采止瘟延年

白豆蔻

增本草綱目白豆蔻出伽古羅國呼為多骨其草形如芭蕉葉似杜若長八九尺而光滑冬夏

不凋花淺黃色子作朶如葡萄初出微青熟則變白七月采之

海金沙

增本草綱目海金沙出黔中郡湖南亦有生作小株高一二尺七月收其全科於日中暴之小

乾以紙襯承以杖擊之有細沙落紙上且暴且擊以盡為度

採使君子

增本草綱目俗傳潘州郭使君療小兒多獨用此物後因號為使君子也今嶺南州郡皆

有之生山野中及水岸其莖作藤如手指大其葉如兩指頭長二寸三月生花淡紅色久乃深紅有五瓣七八

欽定四庫全書

御定月令雜考  
卷十四

三

月結子如拇指大長一寸許大類梔子而有  
五稜其殼青黑色內有仁白色七月採之

胡麻花

採增本草綱目胡麻花七月採最上標頭者陰乾用之

鹽麩子

增本草綱目鹽麩子生吳蜀山谷樹狀如椿七月子成穗粒如小豆上有鹽似雪可為羹用嶺

南人取子為末食之酸鹹止渴將以防瘴後魏書云勿吉國水氣鹹凝鹽生樹上即此物也

槐房

增本草綱目槐實作莢連珠中有黑子子工房七月收之堪染皂

搗稻

原物產志稻有一歲兩收者既春種而夏獲矣復以七月初再插至十月熟而搗稻

製蜜竊法

原多能鄙事初秋新竊沸湯焯過五分熟去皮切作條或片每一斤用白梅四兩湯浸取

汁一大碗候冷浸一時許澆出控乾用蜜六兩浸去鹵水別以蜜十兩慢火煎令琥珀色放冷收之

菱科

增野菜譜菱科初秋時采之熟食

備新涼

增田家歷七月浣故衣制新衣作夾衣以備新涼

趙孟頫七月耕詩

增大火既西流涼風日淒厲古人重稼穡力田在匪懈郊行省農事禾黍

何旆旆碾以他山石玉粒使人愛大祀須染盛一一稽古制是為五穀長異彼稊與稗炊之香且美可用享上帝豈惟足食人飽有所待

趙孟頫七月織詩

增七月暑尚熾長日弄機杼頭蓬不暇梳揮手汗如雨嚶嚶時鳥鳴灼灼

紅榴吐何心娛耳目往來忘偃僂織為機中素老幼要絢補青燈照夜梭蟋蟀窓外語辛勤亦何有身體衣幾縷嫁為田家婦終歲服勞苦

物候

鳴鵙

原詩七月鳴鵙疏五月陰氣動而伯勞鳴是將寒之候也月令仲夏鵙始鳴是中國正氣五月則鳴

今幽地晚寒鳥初鳴之候從其鄉土之氣焉故至七月鵙始鳴也

蟋蟀在野

增詩七月在野箋云自七月在野至十月入我牀下皆謂蟋蟀也疏蟋蟀之蟲六月居壁

中至七月則在田野之中京房易妖占七月建申為夷則蟋蟀鳴阮籍詩開秋北涼氣蟋蟀鳴牀帷

寒蟬鳴

原禮寒蟬鳴註寒蟬寒蜩謂蛻也疏寒蜩也增風土記七月而螻蛄鳴於朝寒蜩鳴於夕

鷹祭鳥

增禮鷹乃祭鳥用始刑戮註鷹祭鳥者將食之示有先也既祭之後不必盡食若人居行刑戮

之而已集解鷹欲食鳥之時先殺鳥而不食似人之食而祭先代為食之人也

秀藿葦

原夏小正七月秀藿葦傳未秀則不為藿葦秀然後為藿葦故先言秀

狸子肇肆

原夏小正狸子肇肆傳肇始也肆遂也言其始遂也或曰肆殺也

湟潦生革

原夏小正湟潦生革傳湟下處也有湟然後有潦有潦而後有革革也

革秀

原夏小正革秀傳革也者有馬帚也

其樹棟

原淮南子七月其樹棟註棟實鳳凰所食也今雒城旁有樹棟實秋熟

葉落知秋

原淮南子一葉落而天下知秋增陶潛詩空庭多落葉慨然知已秋

紺幡

增古今注紺蝶一名蜻蛉似蜻蛉而色玄紺遼東人謂為紺幡亦曰童幡好以七月羣飛天海邊

葡萄

增魏文帝與吳監書中國珍果甚多且復為說葡萄當其朱夏涉秋尚有餘暑醉酒宿醒掩露而食



甘而不餽脆而不酸冷而不寒味長汁多除煩解倦

自然穀

原博物志海上有草名蒔其實食之如大麥七月熟俗名曰自然穀或曰禹餘糧

龍眼熟

增廣志龍眼樹葉似荔枝蔓延緣木生子如酸棗色黑純甜無酸七月熟名醫別錄龍眼一名

益智嵇含南方草木狀云木高一二丈似荔枝而枝葉微小凌冬不凋春末夏初開細白花七月實熟殼青黃色文作鱗甲形圓大如彈丸核若木梔子而不堅內薄於荔枝白而有漿實極繁每枝二三十顆作穗如葡萄陶朱公書龍眼七月實熟荔枝纔過後龍眼即熟故謂之荔枝奴

磨盤

增荔枝譜磨盤皮粗厚味甘大如雞子近蒂處甚平七月熟

勝畫

增荔枝譜勝畫皮厚刺尖味甘肉豐大似桂林七月熟出長樂縣六郡者最佳他種不及

鵲卵

增荔枝譜鵲卵皮薄實圓斑如鵲卵味微酸山枝中之佳者七月熟

雞引子

增荔枝譜雞引子一朶數十枚大小錯出其大者核小小者無核七月熟

筴筍生

原筍譜筴筍七月生至十月間縉雲以南多出然味苦而節疎筍可大於箭筍少許山人採剝

以灰汁熟煮之都為金色然後可食苦味減而甘食甚佳也

芽蕉

增桂海果志芽蕉子小如雞蕉尤香嫩甘美秋初實

蜀秫

增農政全書蜀秫在北方地不宜麥禾者乃種此尤宜下地立秋後五日雖水潦至一丈深不能壞

之立秋前水至即壞故北土築堤二三尺以禦暴水

威靈仙

增政和本草威靈仙出商州上洛及華山平澤初生比衆草最先莖便如釵股四稜葉似柳葉

作層每層六七葉如車輪有六層至七層者七月內生花淺紫或碧白色

慈草抽莖

增本草綱目慈草葉如茅而大長四五尺甚快利傷人如鋒刃七月抽長莖開白花成穗

如蘆葦花將放時剝其擇皮可為繩箔草履諸物其莖穗可為掃帚也

澤蘭花

增本草綱目澤蘭根紫黑色如粟根苗高二三尺莖幹青紫色作四稜葉生相對如薄荷微香

七月開花帶紫白色萼通紫色

都桷子

增本草綱目都桷子生廣南山谷樹高丈餘開花連著實大如雞卵七月熟

天仙果

增本草綱目天仙果樹高八九尺葉似荔枝而小無花而實子如櫻桃累累綴枝間七月熟其

味至甘宋祁方物贊云有子孫枝不花而實薄言采之味埒蜂蜜

厚朴子

增本草綱目厚朴子名逐折殺鼠益氣明目一名厚實生木間莖黃七月實黑如大豆

占驗

愆候

原禮孟秋行冬令則陰氣大勝介蟲敗穀戎兵乃來註亥之氣乘之也又行春令則其國乃旱陽氣

復還五穀無實註寅之氣乘之也又行夏令則國多火災寒熱不節民多瘡疾註巳之氣乘之也

離氣見

增易通卦驗離氣見立秋分則歲大熟

黃雲占

原月令占候圖立秋坤卦用事晡時申西南涼風至黃雲如羣羊宜粟穀望西南坤上有黃雲

氣是正氣立秋應節萬物皆榮豆穀熟

豎竿影

增月令占候圖立秋日午時豎竿影得四尺五寸二分半五穀熟

天河占

增紀歷撮要七夕天河去探米價回快米賤回遲米貴

立秋占

原紀歷撮要朝立秋暮颼颼夜立秋熱到頭

立秋晴雨

增紀歷撮要立秋日天氣晴明萬物多不成熟農政全書立秋日小雨吉大雨主傷禾

風占

增紀歷撮要立秋日要西南風主稻禾倍收三日三石四日四石

雷占

原紀歷撮要立秋日雷名躡踣損晚禾亦云秋霖主晚稻秔增家塾事親七月雷大吼有急令

處暑占

增紀歷撮要處暑雨不通白露枉相逢嘉定縣志處暑有雨則物成熟諺云處暑若還天不雨

縱然結實也難收

神蠶車蜂蜜

增遼史太宗紀會同四年秋七月己巳有司奏神蠶車有蜂集成蜜史占之吉

虹占增家塾事親虹以立秋四十六日內出正西貫兌中秋有水有旱田家五行七月朔日虹見主年內

米貴

赤雲占增萬寶全書立秋日申時西南方有赤雲宜粟

### 雜紀

差夏增內經物成於差夏註差夏謂立秋之後一十日也

木連理增後漢書安帝紀延光三年七月潁川上言木連理

黃鵠集增古今注漢惠帝五年七月黃鵠二集蕭池

廣陽門增李尤廣陽門銘廣陽位孟厥月在申涼風從時白露已紛

臨平湖開

增晉書武帝紀咸寧二年秋七月有星孛於大角吳臨平湖自漢末壅塞至是自開父老

相傳云此湖

開天下平

律權石

增晉書律歷志趙石勒十八年七月造建德殿得圓石狀如水碓銘曰律權石重四鈞同律度

量衡有辛氏造續咸議是王莽時物

彩虹蔽月

增王紹之晉安紀義熙二年七月夜彩虹出西方蔽月

獻白鹿

增宋書符瑞志晉成帝咸和四年七月長沙郡遷吏黃光於南郡道遇白鹿驅之不去直來就

光追尋光二百餘步光遂抱取遣吏李堅奉獻

白燕集

增元嘉起居注元嘉元年七月有白燕集於齊郡遊翔庭宇經九日乃去衆燕翼隨有數千

見金神

增物理論古有阮師之刀天下之所寶貴也初阮之作刀受法於金精之靈七月庚辛見金神

於冶監之門向而再拜金神教以水火之齊五精之鍊用陰陽之候取剛軟之和三年作刀千七百七十口其

刀平背夾刃方口洪首截輕微不絕絲髮之系斫堅剛無變動之異

雨絳羅

增異苑張仲舒為司空在廣陵城北以元嘉十七年七月中晨夕間輒見門側有赤氣赫然空

中忽雨絳羅於其庭廣七八分長五六寸皆以箋紙繫之紙廣長亦與羅等紛紛甚駛

奏別鵠曲

增南史褚彥回傳嘗聚聚衆舍初秋涼夕風月甚美彥回援琴奏別鵠之曲宮商既調風

神諧暢王或謝莊竝在案坐撫節而嘆曰以無累之神合有道之器宮商暫離不可得已

流澌亘河

增梁書諸夷傳芮芮國其地苦寒七月流澌亘河



榮光

增魏書靈徵志世祖太平真君二年七月天有黃光洞照議者僉謂榮光也

獻烏芝

增魏書靈徵志世宗景明三年七月魯陽獻烏芝王者慈仁則生食之令人度世

葉河冰合

增唐書王方翼傳方翼征西域七月次葉河無舟而冰一昔合時以為祥

賜屏几

增唐會要貞觀十六年七月以素屏賜魏徵

乳鹽

增唐會要大曆八年七月解縣安邑兩池生乳鹽戶部侍郎韓滉請薦清廟編之史冊從之

玉靈芝

增唐會要上元二年七月甲辰延英殿御坐梁上生玉芝一莖三花親製玉靈芝詩三章八句

曰玉殿肅肅靈芝煌煌重英發秀連葉分房宗廟之福垂其景光元氣產之明神合德紫微間采白薜呈色載啟瑞圖庶得皇極天心有眷王道唯直幸生芳本當我宸旒放此靈質貢其王猷神惟不愛道亦無求端拱思

惟永荷  
天休

送張仁亶

增全唐詩話景龍三年七月幸望春宮送朔方節度張仁亶赴軍蘇頲奉和幸望春宮送

朔方軍大總管張仁亶詩北風吹早鴈日夕渡河飛氣  
令膠應折霜明草正腓老臣帷幄算元宰廟堂機餞飲  
迴仙蹕臨戎解御衣軍裝乘曉發師  
律候春歸方佇勲庸盛天辭降紫微

霹靂引

增沈佺期霹靂引歲七月火伏而金生客有鼓  
琴於門者奏霹靂之商聲始戛羽以騁若終扣

宮而砮駘電耀耀兮龍躍雷闐闐兮雨冥氣鳴唵以會  
雅態歛翕以橫生有如驅千旗制五兵截荒咆斬長鯨  
孰與廣陵比意  
別鶴儔精而已

舉子亡

增秦中歲時記進士下第當年七月復  
獻新文求拔解故曰槐花黃舉子忙

七月雪

增沙洲記自龍涸至大浸川一千九百里夜肅肅常有風寒七月雨便是雪遙望四山皓然皆

白

飛霜殿

增建康實錄貞觀二十七年七月宴五品已上於飛霜殿綠竹遞奏羣臣上壽賜綾錦殿在元

武門北因地形高敞層閣三  
成引水為潔淥池以滌炎暑

伐遂竹

增甘澤謠許雲封樂工之遂者貞元初韋應物為和州牧夜泊靈壁驛忽聞雲封遂聲韋公謂

其聲似天寶中梨園法曲李謩所吹者召問之乃是李謩外孫韋公曰吾有乳母之子嘗受遂李供奉舊吹之遂即李君所賜遂囊出舊遂雲封曰信是佳遂但非外祖所吹者竹生雲夢之南鑒在柯亭之下以今年七月望前生明年七月望前伐過期不伐則其音實未期而伐則其音汎浮者外澤中乾乾者受氣不全氣不全則

其竹天凡發揚一聲出入九息古之至音者一疊十二節一節十二敲其已大之竹遇至音必破韋公曰欲信女鑒遂破無傷雲封乃奉遂吹六州遍一疊未盡劃然中裂韋公驚嘆久之

三足鳥

增周書明帝紀二年七月景申順陽獻三足鳥羣臣上表稱慶詔曰夫天不愛寶地稱表瑞鳳

巢阿閣圖龍躍沼豈直日月珠連風雨玉燭是以鈞命訣曰王者至孝則出元命苞曰人君至治所有虞舜蒸蒸來茲異趾周文翼翼翔此靈禽惟此天休景福在民可大赦天下文武官普進一級

隔隴合穗

增宋史五行志太平興國五年七月蓬萊縣民王明田穀隔隴合穗相去一尺許又咸平

六年七月涉縣民連罕田隔四隴同穎

進時政論

增宋史胡安國傳紹興二年七月入對高宗曰聞卿大名渴於相見何為累詔不至安國

辭謝乞以所進時政  
論二十一篇者施行

鄭康成

增太平廣記鄭康成以  
永建二年七月戊寅生

九成宮宴

增玉海儀鳳三年七月丁巳宴近臣諸親於  
九成宮之咸亨殿上謂霍王元軌等曰甘雨

頻降夏麥豐熟秋稼滋榮思與叔等同為此  
歡因賦七言效栢梁體霍王相王侍臣竝和

閱四庫書

增玉海咸平五年七月庚戌幸三館  
秘閣閱四庫書賜直官校理罷幣

賜御製詩

增玉海雍熙四年七月乙丑御製早秋  
詩二首立秋日暮雨詩一首賜近臣

進書賞格

增玉海紹興十六年七月乙酉陳泰初進神  
哲御集百有十人冊上論大臣令立定賞格

重則進官  
輕則賜帛

五歲

增玉海景祐三年七月乙酉翰林侍讀學士馮元上金華五歲示詔褒答三史判官謝絳言事進聖

治五歲曰紹聞君臣內戒謹命敬變云

燒稻

增真臘風土記真臘國七月燒稻其時新稻已熟迎於南門外燒之以供佛婦女車象往觀者無數

孟婆風

增野記七月江南有大風相傳以為孟婆發怒按山海經謂帝之女遊於江中出入風雨自隨

以帝女故曰孟婆

野蠶成繭

增金史太宗紀天會三年七月己卯錦州野蠶成繭奉其絲帛來獻

鬪促織

增帝京景物略七月始鬪促織壯夫士人亦為之鬪有場場有主者其養之又有師鬪盆簫確

無家不貯

沃野倍獲

增名勝志大同府沃野鎮沃野者其地沃良沙土盡黑功省獲倍每至七月皆熟

鶚鵠食蝗

增輝縣志元至元五年秋七月鶚鵠食蝗時蝗生牧野鶚鵠自西北飛來方六七里林木

皆滿遂將蝗食且盡作陣飛去

右英夫人降

增真仙通鑑右英夫人西王母第十三女名媚蘭字中林治滄浪山受書為雲林夫

人晉哀帝興寧三年七月降句曲山

西王母下教

增三洞珠囊西王母以上皇元年七月於南浮洞室下教以授清虛真人

御製初秋幸西苑觀荷命小船採蓮詩命駕臨西苑初秋

向晚天菱荷池沼滿鷗鷺夕陽邊頻使移輕舫時來獻

採蓮離宮闌檻外風動碧翩翩

御製初秋景山詩新涼樹色向金天御輦遙停蔓草邊盛  
暑已過銷夏日清風繞到有秋年高臨三殿九重閣下  
看千家萬戶連薄暮山亭觀射畢回宮複道起蒼烟

御製初秋詠竹詩森翠青青繞碧塘霜姿靄靄動幽香寒  
風不變終身節綠葉紛然暎晚涼

晉七月折楊柳歌

增織女遊河邊牽牛顧自歎一會復  
周年折楊柳攬結長命草同心不相

負



白居易秋遊原上詩

增七月行已半早涼天氣清清晨起中櫺徐步出柴荆露杖筇竹冷

風襟越蕉輕開攜弟姪輩同上秋原行新棗未全赤晚瓜有餘馨依依田家叟設此相逢迎自我到此村往來白髮生村中相識久老幼皆有情留連向暮歸樹樹風蟬聲是時新雨足禾黍夾道青見此令人飽何必待西成

李賀七月樂詞

增星依雲渚冷露滴盤中圓好花生木末衰穗愁空園夜天如玉砌池葉極青

錢謹鳳舞衫薄稍知花萼寒曉風何拂拂北斗光闌干

御定月令輯要卷十四